

Qeqqata Kommuniani

Sulisoqarnermi politikki



Personalepolitikken er vedtaget i kommunalbestyrelsen den 28. april 2010 under punkt 22

Qeqqata Kommuniani sulisoqarnermi politikikkut tunngaviusumik pingaartitat.....	5
Kajumissuseq	5
Akisussaaqataaneq	5
Ataatsimoorneq	5
Pisinnaasatigut ineriartortitseqatigiinneq	6
Oqalliseqataaneq	6
Orniginarsaaneq.....	6
Orniginarsaaneermi nalinginnaasumik periutsit	6
Nittarsaassineq	7
Qanoq pisariaqartitsisoqarpa.....	7
Pisariaqartitsineq suuaa.....	7
Atorfinititsinissami ataatsimiititaliaq	8
Ineqarneq.....	8
Najugaqarallartitaaneq najugaqarallarnermilu ajunngitsorsiassat	9
Sulisussanik nutaanik tikilluaqqusineq	9
Paasissutissiineq.....	9
Saaffissarititaq.....	10
Malinnaaniarluni oqaloqatigiinneq	10
TNI-mit suliffimmik misiliisut.....	10
Niuerneq allaffiillu kiisalu IT supporteri	11
Suleqatinik ineriartortitsineq.....	12
Pisinnaasat akisussaaffiillu	12
Anguniakkat iliuusissatullu pilersaarutit.....	13
Sulisut ineriartornissamik pisariaqartitaat.....	13
Sulisunik ineriartortitsinermi pisussat.....	14
Sulinermut atatillugu angalanerit, matumani pikkorissarnerni angalanerit ilanngullugit.....	16
Paarlaasseqatigiinneq	16
Sulisunik tiggumminiinnarsinnaaneq	17
Akissarsianut tunngasut	17
Piffissaq suliffissaq	18
Aningaasarsiat piginnarlugit sulinngiffeqarneq	18
Aningaasarsiaqarani sulinngiffeqarsinnaaneq.....	18
Sulinngiffeqarneq (aningaasarsiaqarani sulinngiffeqarneq)	19
Napparsimaneq sulinnginnerlu	19
Sivikitsumik sulinngittoqassatillugu oqaloqatigiinnerit.....	19
Ataavartumik sulinngittoqartartillugu oqaloqatiginninneq.....	19
Meerarisap ulloq siulleq napparsimanera	20
Ernineq	20
Toqusoqarneq/peruluttoqarneq	20
Ilaqutariinnik katsorsaaneq	21
Ilaqutaqarnermut politikki.....	21
Feriarneq	21
Akiliunneqarluni feriarneq.....	22
Siunnersuutit	22

Sillimmasiissutit.....	22
Tunissutit il.il.	22
Nalliuttut	22
HIV / AIDS	23
Qarasaasiaqarneq	23
Qarasaasianik atuineq	23
Suliffimmi oqarasuaatip namminerlu oqarasuaatip angallattakkap atorneqartarneri	24
Nalliuttorsiornerit.....	24
Naligiissitaanissaq pillugu politikki.....	24
Sulinermi pissusilersorneq	24
Pensionit.....	24
Sulisut sinniisaat	25
SISU	25
Video atorlugu nakkutilliineq	26
Nakuusernermi politikki	26
Sulisup innuttaasullu akornani malersuineq	26
Uumisaarineq kinguaassuserinerlu	27
Uumisaarineq	27
Kinguaassuserinikkut.....	27
Malittarisassat upalungaarsimanissarlu.....	28
Paasissutissiineq.....	28
Sulisunik siunnersuinerit.....	28
Atugarissaarneq	29
Sulisunut ajunngitsorsiassat	29
Pujortartarneq.....	29
Uippakajaarneq	29
Suliffimmi avatangiisit.....	30
Suliffimmik nalilersuineq (SN).....	30
Oqaatsit pillugit politikki	31
Atornerluinermi politikki	31
Ulluinnarni malittarisassat	31
Atornerluisoqarneranik unioqqutitsisoqarneranilluunniit ilimatsaassinermi akulerunnissamut kina pisussaava?.....	32
Katsorsartinneq	33
Peqqissuunissamik politikki.....	34
Sulisunik suliunnaarsitsineq/soraarsitsineq	34
Soraarniuteqarluni soraarneq	34
Soraarnissamut atatillugu oqaloqatigiinneq	34
Allakkatigut oqaaseqaatit	35
Soraarniuteqarani soraarsitaaneq	35
Soraarsitsinissamut tunngavissat.....	35
Uparuaaneq	36
Suliffimmiit qimagutsitsineq.....	36
Napparsimaneq.....	36
Ullut 120-t pillugit malittarisassaq.....	36
Aaqqissuussinikkut allangortiterinerni sulisunik ikilisaaneq парлаanerillu.....	37
Aaqqissuussinerup allangortinneratigut soraarsitsineq	37
Ukiut.....	38

Utoqqaliarsaartunut politikki	38
Planngussaq 1	39
Allaffissuarmi nunaqarfinnilu allaffeqarfinni suliffissap aaqqissuunneqarnissaani malittarisassat	39

Qeqqata Kommuniani sulisoqarnermi politikikkut tunngaviusumik pingaartitat

Sulisoqarnermi politikki Qeqqata Kommuniani anguniakkanik ataqqinnittuuvoq, sulisunillu ataa-siakkaanik innarliinaveersaartuulluni.

Sulisut kommunimi nukiupput pingaaruteqarnerpaat, taamaattumillu sulisoqarnermi politikikkut kommuni Kalaallit Nunaanni siuttut ilaattut inissisimassalluni.

Sulisoqarnermi politikki tulliuttunik pingaartitaqarfiuvoq

Kajumissuseq

Kajumissuseq tassaavoq akuerinnineq, akisussaaneq, takussaasumik aqutsineq, suliassat ilisimaaralugit sulineq, ammasuuneq, suleqataaneq, suliffikkuminartuuneq, peqatigiinneq, takussaasumik nuannaartuuneq, pitsaasunik atortussaaneq, pitsaasumillu akissarsiaqartitaaneq. Kajumissutsikkut suliassat ataatsimoorluni kivinnekarsinnaapput, sulinermilu tunuliaqutaasunillu pitsaasumik paasitinneqartarnek.

Kajumissutsimut aqutissaapput suliap ersarissumik allaaserineqarnera, ersittumik aqunneqarnek, pitsaasumik aaqqissuussineq ilitsersorneqarnerlu, akimoortumillu paasissutissiisarnek.

Akisussaaqataaneq

Akisussaaqataaneq tassaavoq suliamik pimoorussineq, nammineersinnaaneq, oqalliseqataaneq, sulisussanik nutaanik pitsaasumik ilinniartitsineq, tusaaniarneq, malinnaaneq, tamatigoortumik paasissutissaqarnek kiisalu sulianik suleriaatsinillu ilisimaarinnineq.

Akisussaaqataanikkut ammasumik ajornaatsumillu aqutsinissaq anguneqarsinnaavoq, nammineq suleqatillu suliannut tunngasutigut ataqqininneq, nammineq pisinnaasat takuneqarlutillu atorluarneqarnissaat pitsaasumillu ataqatigiinneq.

Sapaatip akunnikkaartumik naapeqatigiittarnertigut, ammasuunikkut, pisortallu peqataalluarnerisigut paasissutissiilluartarnerisigullu akisussaaqataaneq pilersarpoq.

Ataatsimoornek

Ataatsimoornek tassaavoq sammisaqatigiinneq, soorlu unnukkut oqallinneq, suliassat ataatsimoorullugit naammassiniarneri, sullitanik ataatsimooqateqarnek kiisalu peqatigiinnermik misigisimaneq.

Ataatsimoornekkut suleqatit eqqumaffigineqalertarput, kivitseqatigiittoqartarpoq, nukittuffiit sanngiiffiillu sulisut akornanni atorluarneqartarput, akimoortumik suleqatigiittoqartarpoq, sulisut ulloqartinneqartarput, suleqatit suliaat ilinniagaallu ilisimaarineqartarput, ataatsimoorluni pikkorissartoqartarpoq, takussaasumillu aqutsisoqartarluni.

Ataatsimoornek ataatsimoorluni aalajangiinertigut, arlaliulluni suleqatigiinnikkut, suliffiullu avataani ataatsimoorlumik susassareqatigiinnikkut ersiuteqartarpoq.

Pisinnaasatigut ineriartortitseqatigiinneq

Pisinnaasatigut ineriartortitseqatigiinneq pikkorissarnertigut, ilinniaqqinnikkut tamakkunuunalu malinnaatitsinikkut, sulisut tigummiinnarnerisigut, aaqqisuussinerup iluani akimortumik suleqatigiinnikkut, kommunimi iliuusissatigut ilisimaarinninnikkut, ilisimasani avitseqatigiinnikkut kiisalu ilinniakkatigut inuttullu ineriartortitsinikkut pilersarpoq.

Pisinnaasatigut ineriartortitseqatigiinnikkut pisinnaasaqarfiit atorluarneqassapput, ilisimaarisaqarne-rulersitsissaaq allatigullu iliuusissatigut ilisimasaqalerluni.

Pisinnaasatigut ineriartortitseqatigiinnissamik pisariaqartitsineq anguniakkatigut, iliuusissatigut pilersarusiornikkut kiisalu SI-oqaloqatigiinnertigut qulaajarneqarsinnaavoq.

Oqalliseqataaneq

Nammineq oqaaserisat atorlugit oqallinneq, naligiilluni ataqpeqatigiinneq, tusaaniarneq, ammasu-mik unamminartunik eqqartueqatigiinneq, ersarissumik illup iluani avammullu attaveqarneq.

Oqalliseqataanikkut tusaaniarneq, ammasuuneq kiisalu maluginninniarneq anguneqarsinnaapput, paasissutissallu pineqartunut apuussinnaallutik.

Oqalliseqataanermi oqallinneq sakkutut atorneratigut, ataatsimoorluni akimortumik oqallinnikkut, immikkoortortallu akornanni suleqatigiinnikkut illuatungeriilluni pisariaqartitanik ersarissaalluni pilersarpoq.

Orniginarsaaneq

Orniginarsaanermi nalinginnaasumik periuitsit

Qeqqata Kommuniata atorfinni ataavartuni sulisorisani sapinngisamik sivisuumik tigummerusuppai, taamatullu aamma sulisut suliffimminniiginnarnissaat anguniarlugu, tassa suliassaminnik isumaginnilluarsinnaappata suliffimminnilu ajunngitsumik ingerlappata.

Qeqqata Kommuniata najugaqavissut sutigut tamatigut sulisorerusuppai. Sumiiffimmi piukkunnartumik sulisusaqanngippat, avataaneersumik atorfinitsitisoqassaaq. Ataatsimoortumik nalilersuinermi marluinnik Kalaallisut/ Qallunaatut kiisalu pingasuinnik Kalaallisut/ Qallunaatut / Tuluttullu oqaaseqarneq pingaartinneqarpoq.

Atorfiit inuttassarsiorlugit allagarsiinikkut, atorfinnut pineqartumut qinnuteqartut sukumiisumik piukkunnarnersioreerlugit inuttalernerqartassapput. Atorfinitsitinermi qinnuteqartut illup iluaneersut avataaneersunit salliutinneqartarnissaat pingaarnertut tunngavigineqassaaq. Tamanna aamma suliffimmik misiliisunut naammassisunut atuuppoq.

Qeqqata Kommuniani suliffissaqarnikkut suaassuseq, sumiuussuseq, innarluuteqarneq, ilinniagaqarneq qanorluunniit inissisimaneq apeqqutaatinneqassanngillat.

Qeqqata Kommuniata arnat angutillu atorfinni suugaluaniluunniit naligiimmik periarfissaqartippai.

Nittarsaassineq

Qeqqata Kommuniata avataanit ersarissuunissaa pingaaruteqarpoq, taamaattumillu kommunip Kallaallit Nunaata Qeqqanik nittarsaassineq pingaartinniarpa, ilaatigut atorfiit sumiiffimmiit inuttalersinnaangisat inuttassaqtinniarneri siunertaralugu.

Qanoq pisariaqartitsisoqarpa

Sulisussanik pisariaqartitsineq kommunimi immikkoortortani ataasiakkaani maluginiarneqassaaq. Missingersuusiornermut atatillugu sulisussatigut pilersaarutit akuersissutigineqartarput, tassa immikkoortortani ataasiakkaani qaammammusiiallit qanoq amerlatiginissaat nalunaarlugu. Immikkoortortat qassinik qanorlu ilinniagalinnik sulisoqarnissartik missingersuusiornermi nalilersortassavaat. Atuarfinni ukiup atuarfiusup aallartinnerani ilinniartitsisunik atorfinitsitsioqartarpoq.

Pisariaqartitsineq suuaa

Atorfik inuttaaruppat sulisunut akisussaasutut pisortap atorfiup inuttaleqqinnissaa pisariaqarnersoq nalilersussavaa. Atorfiup inuttassarsiunnginnerani suliassat suussusii sulisussallu qanoq ittuunissaat suliarineqassapput.

Suliassap suussusia

Atorfik pillugu suliassap suussusianik allaaserisami tulliuttunik imaqassaaq

- Aqqissuussaanerup iluani inissisimanagera suleqatissallu
- Suliassat suuneri naammassinissaanilu piumasarisat
- Akisussaaffik
- Aalajangiisinnaatitaaneq
- Pissutsit immikkut ittut
- Siunissami pilersaarutit

Sulisussaq qanoq ittuussava

Atorfiup inuttalernissaani sulisussap qanoq ittuunissaani qanoq ilinniagaqarsimanissaq inuttullu piumasarisat allaaserineqassapput. Ilinniakkatigut piumasarisat takutissavaat

- Atuagarsornikkut ilinniagaqarneq
- Sulinikkut misilittakkat
- Pikkorissarsimanerit il.il.
- Oqaatsitigut pisinnaasaqarfissat

Inuttut piumasarisat

- Piumassuseq
- Suliart nikerarnerisigut pisinnaassuseq, tamatumani uippakajaannginneq nukissaqassuserlu annaanagit
- Suleqatikkuminartuuneq
- Akerleriissutsinik aniguisinnaassuseq.

Inuttut piumasaaqatit atorfirmut atatillugit qanoq pingaartinneqartiginissaasa isummerfigisimanis-
saat pingaaruteqarlunnartuuvoq. Tamanna imatut isikkulerneqarsinnaavoq:

- aalajangiisussaavoq,
- pingaaruteqavippoq
- kissaatiginarpoq

Atorfinitsitsinissami ataatsimiititaliaq

Atorfinitsitsinissami ataatsimiititaliap, qinnuteqartuni qinnuteqaatit oqaloqatiginninnerlu/-rillu tunngavigalugit atorfirmi ilinniagaqarnikkut inuttullu piumasaaqatitigut kina piukkunnarnerpaaju-
nersoq aalajangissavaa. Atorfirmut kina neqeroorfigineqarnissaanik ataatsimiititaliaq aalajangiitin-
nagu, sulisitsisorisimasat minnerpaamik marluk attavigineqarsinnaasut pissarsiarineqassapput. Kik-
kut attavigineqarsinnaanissaannik qinnuteqartoq atorfinitsitsinissami ataatsimiititaliap siulittaasu-
anut akuersissummik tunniussisimatinnagu, attavigineqarsinnaasut pissarsiarineqanngisaannarput.
Ulloq taanna aalajangiisoqarnerani, atorfinitsitsinissami ataatsimiititaliap siulittaasuata atorfirmut
piukkunneqartoq siulliullugu oqaasiinnakkut ilisimatissavaa, tamatumalu kingorna oqaloqatigine-
qarsimasut atorfirmilli neqeroorfiginiarneqanngitsut ilisimatissallugit. Qinnuteqarsimasut ator-
firmulli innersuunneqanngitsut, sooq atorfinitsinniarneganninnerini sukumiisumik ilisimatinne-
qassapput. Qinnuteqartunit atorfinitsinniarnegannitsut aamma Qeqqata Kommunianut attaveqar-
simanermi kusanartumik pineqarsimanermik malugitinniarnissaat anguniaagaavoq.
Atorfinitsitsiniarnermut attuumassuteqartut, tassalu atorfinitsitsinissami ataatsimiititaliaq, atorfiup
allagarsiunneqarnissaanut suliaq kiisalu atorfirmut innersuussutissamik toqqaaneq, **HR pilersaa-
rutaani qupperneq 1-3**, nassaasaapput.

Ineqarneq

Atorfirmik allagarsiussinerni tamani Qeqqata Kommuniata tulliuuttugit iliuuseriniagai ersissap-
put,

- * Sulisutut inissaqartitsisoqassanersoq, malittarisassat tamatigut atuuttut naapertorlugit.
- * Sulisutut inissaqartitsisoqassannginnersoq.
- * Atorfirmut atatillugu inissaqartitsisoqarnersoq.

Illoqarfiup avataaniit qinnuteqartut sulisutut inissamik neqeroorfigineqartarnerat nalinginnaaneru-
voq. Taamaattumik sulisutut inissaqartitsisoqassanersoq atorfinitsitsinnginnermi inissamik innimin-
niikkut atsiormi inissinneqareertarpoq.

Atorfinittup sulisutut inigitinniagaq piumannippagu, allamik inissamik neqeroorfigineqarnissaq
naatsorsuutigineqassanngilaq.

Sulisutut inissat Sulisoqarnermi allaffeqarfiup susassaqarfigivai, tassa atorfinittup inissamik inni-
minniinnermi ilaqutariit qassiuneri inissallu angissusissaa atsiormigut akuerissutigissammagit.
Sumi najugaqarusunnginneq kissaatigineqarsinnaavoq. Kissaatigalugu allamut inissinniarneg sulis-
soqarnermi allaffeqarfiup akuersissutigisinnaappagu inissiaatileqatigiiffimmuut ingerlateqqinneqar-
sinnaavoq, tamatumani Qeqqata Kommuniata iluani nuunneq atorfillip nammineq aningaasartuu-
tigissallugu.

Najugaqarallartitaaneq najugaqarallarnermilu ajunngitsorsiassat

Sulilernermi soraarnermilu ilaatigut sulisumut ilaqutaanullu ajunngitsorsiassaqaartitsisoqartarpoq. Malittarisassat Nalunaarutiniipput – Grønlands Lovsamling. Ajunngitsorsiassat tunniunneqassallutik aatsaat, sulisumut ilaqutaanullu tamakkiisumik pequtsersugaanngitsumik najugaqarallartitsigaanni. Tassalu hotelimi assigisaaniluunniit najugaqarallartitsigaanni, tasanilu nerisaqaartitsinani imaluunniit iggavissaqaartitsinngitsumi najugaqarallartitsigaanni. Najugaqarallarnermi ajunngitsorsiassat pingaarnertut ulluni 30-ini atuutsinneqartarput.

Qeqqata Kommunianit atorfininnermi/soraarnermi pingaarnertut kommunip avataani hotelimi unnuinissaq unnummut ataatsimut killilersimaarniarneqarpoq, pisariaqartumillu unnuinerit allat sapinngisamik kommunimi pitinniarneqassallutik.

Sulisussanik nutaanik tikilluaqqusineq

Sulisussat nutaat illoqarfinnit allaneersut Qeqqatalu Kommuniani najugaqalersut, mittarfimmi umiarsualivimmiluunniit tamatigut tikilluaqquneqartassapput, sapaatillu akunnerata siulliup ingerlanerani qaninnertut suleqatissaminut tamanut ilisaritinneqassalluni.

Paasissutissiineq

Sulilersussanik nutaanik sukumiisumik paasissutissiisoqarneratigut, nutaamik suliffeqalernertik nuannaarutigalugulu toqqissisimanissaat qulakkearniarneqartassaaq, tamatumalu kingunerisaanik sulisut taarseraappallaannginnissaat anguneqarsinnaalluni.

Sulisoqarnermut allaffeqarfiup sulilersup atorfininnerani allagartassaa suliarissavaa, sapinngisamilu suleqatitaassap sulilinnginnerani nassiunneqarsimassalluni. Atorfinitsitaanermut allagartamut ilanngullugu sulisunut najoqqutassanit paasissutissiisummik immerlugu USB nassiunneqassaaq. Qeqqata Kommuniata atorfinittumit atorfininnermi allagartaq atsiugaq tigusimaleriaruniuk, sulilertussap immikkoortortami pisortassaata attaveqarfigissavaa, soorlu arlariarluni oqarasuaatikkut attaveqarfigalugu imaluunniit mailikkut paasissutissanik nassillugu.

Sulilernermi sulilersumut kommunimullu ulloq siulleq pingaaruteqarpoq. Illuatungeriillutik isumaqatigiissuteqarput, tassa siunissami imminnut iluaqutigeqatigiinniarlutik, tamannalu pitsaasumik tunngavilerneqassalluni. Taamaattumik illuatungeriit naatsorsuutigisaat annertupput.

Suliffiusussami ullormi siullermi sulilerlaat suleqatissaminnik kingulliulaarlutik suliarutussapput. Taamaaliornikkut sulisutoqqat suliarturnerini aallartinniarnermi sammerujoornerat naammassereersimassaaq.

Sulilerlaaq soorunalimi aallarteqqaarnermini nalornissuteqassammat, toqqissisimasumik aallartinissaa pisortaasup isumagisariaqarpaa.

Immikkoortortami pisortap suliffeqarfiup qanoq ingerlanneqarnera sulisumut nutaamut ilisarititsisutigisussaavaa, tamatumani tulliuttut ilaatigut ilaallutik

- Suliassat, suleriaatsit, akisussaaffiit aalajangiisinnaatitaanerillu.
- Immikkoortortami suleqatit, inissisimanerit periutsillu pillugit paasissutissat.
- Illup iluani avataanilu suleqatit.
- Suliffeqarfimmi avatangiisitigut atugassarititaasut.

Taama paasissutissiisarnissap ullunut arlalinnut siaruaannissaa, paasissutissallu ilaasa tunniunnissai aatsaat pisariaqarfiaatigut tunniuttarnissaat pingaaruteqarpoq, taamaalilluni suleqatitaap paasissutis-saq atorfissaqartinnerani pissarsiaralugu.

Suliassap siulliup piaartumik tiguneqarnissaa pingaaruteqavippoq, sulilerlaarmi suliffittaamini pi-sinnaasamigut takutitsinissaminik suliamilu ajunngitsumik naammassinissaanik pisariaqartitsimmat.

Sulisoqarnermi allaffeqarfik qaammammut ataasiarluni sulilerlaanut soqutiginnittunullu allanut paasissutissiisarpoq, tamatumuuna aaqqissuussaannermut tunngasutigut pisariaqartunik sulilerlaanut kingullernut sulisoqarnermi allaffeqarfik tunniussaqaarsinnaammat. Taamatut paasissutissiisarnermi sammineqartarput

- Isumaqatigiissutinut sanilliullugit atorfeqarnermi atugassarititaasut.
- Feriarnermi erninermilu sulinngiffeqarnermi inatsisit.
- Akissarsiat piginnarlugit imlt. piginagit sulinngiffeqaarsinnaanermi malittarisassat.
- Sulisoqarneq sulisunullu ajunngitsorsiassat.
- Sulisoqarnermi politikki.
- Isumannaallisaanermi malittarisassat.

Ukuup affaani kingullermi sulilersimasut eqqarsaatigalugit ukiup affakkaartumik kommunimi sulif-feqarfiit pulaarneqartassapput. Suleqatitaat suliffeqarfinnut siammarsaaffiusunut soorlu atuarfeqar-fiit, meeqqeriviit, entreprenøreqarfik il.il. ilisartinneqartassapput. Taama kaajallaanerni tamatigut minnerpaamik pisortaqatigiinni ilaasortaq ataaseq peqataasassaaq.

Saaffissarititaq

Sulilerlaajulluni aallartinnerni suliassat qanoq naammassinissaat ajornakusoorsinnaasassaaq, tama-tigummi suliap qanoq naammassinissaa nalorninartortaqaarsinnaasarmat. Tamatumani sulilerlaaq allatut ajornaraluamik suleqatiminut apeqqutissarpassuarmigut ajukkuttutut inississinnaasarpoq. Im-mikkoortortami pisortap sulisut ilaat ”saaffissatut” toqqarsinnaavaa, taassumalu piffissaq siulleq sulilerlaamut akisussaasutut ingerlaqatiginissa akisussaaffigissallugu.

Malinnaaniarluni oqaloqatiginneq

Atorfinillaaq qaammatit pingajua affaalu atorfeqareerip, malinnaaniarluni oqaloqatigineqassaaq, tamatumani massakkumut suleqatigiinnerup qanoq ingerlasimanera nalilersorlugu. Pisortaasup sulisullu suleqatigiinnermut tunngasut iluarsaateqqissavaat, illuatungeriillutillu assigiinngitsutigut avitseqatigiissallutik, tassa siunissami suleqatitaanermi paasissutissiisarnernup qanoq aaqqinneqar-sinnaanera pillugu.

TNI-mit suliffimmik misiliisut

TNI-mi ilinniartunik suliffimmik misiliisoqartarneq tulluuttutigut Qeqqata Kommuniata peqataaffi-givaa,

- Niuerneq allaffiillu.

- IT-supporterinnngorniat.
- Oqalutsinnngorniat/nutserisunngorniat.
- Saviminilerinermik Ilinniarfik.
- Inuussutissalerinermik Ilinniarfik.
- Isumaginninnermi ikiortit, peqqissaanermi ikiortit.
- Teknikkikkut assistentit.
- Sanaartornermi Ilinniarfik.

Kikkulluunnit suliffimmik misiliinissaminnik qinnuteqarsinnaapput, qinnuteqartulli Qeqqata Kommuniani najugallit salliutinneqassallutik.

Suliffimmik misiliiniarnermi inissaqarniaraanni, taava TNI-p ilinniarfiani tiguneqarsimasariaqarpoq.

Niuerneq allaffiillu kiisalu IT supporteri

Qeqqata Kommuniani Sisimiuni niuernermi allaffimmilu ilinniagalinnut qulinut, Maniitsumilu marlunnut inissaqarpoq. IT supporterinnngornianut inissat Sisimiuni Maniitsumilu tamani ataasiulluni.

Ilinniagalinnut ukiumut ataasiarlutik misiliisartunut, sulisoqarnermi pisortaq akisussaasuvoq.

Sulisoqarnermi allaffeqarfiup ilinniagallit ullormi siullermi kommunimi sulilerfianni tikilluaqqutigalugit paasissutissat pillugit ataatsimiitittarpai, ukiumullu sisamariarlutik paasissutissiinermi ataatsimiinnerit ingerlanneqartarlutik.

Qeqqata Kommuniata niuerneramik allaffissornermillu ilinniartoqartarnerani, sulisussat piumanearluartut pilersinnissat anguniagaavoq. Ilinniagaqarnermi atuagarsornerit arlalissuit sulinermillu misiliinerpaaluit pisarput, tassa ilinniagallit ilinniarnermik nalaanni atuagarsorneq sulinermillu misiliinerit ataqatigiissitsilluni ingerlanneqartarmata. Sulinermik misiliinissanik pilersaarusionermi ilinniagallit ataasiakkaat soqutigisaat Kommuni eqqumaffiginiassavai. Suliffeqarfinni allani sulinermik misiliisoqarsinnaanera aqqinneqarsinnaavoq.

Atuarfimmi sammisassat saniatigut Kommuni illup iluani ingerlariusissamik aqqissuussisinnavoq, tamatumani politikkikkut allaffissornermillu suleqatigiinnertigut qanoq ingerlariuseqarnerinik paasinnilluarnissaq eqqarsaatigalugu kiisalu immikkoortortaqarfiit qanoq ataatsimooruteqarnerisigut paasissutissiisumik. Ilinniagallit suli ilinniagaqaaqqinnissaasigut kaammattornissaat anguniarneqassaaq, tamatumani alimasinnerusoq eqqarsaatigalugu sammisaqarfimmik siunnerfeqarnissaq anguniarlugu, tassa pineqartup pisinnaasaasigut soqutigisaasigullu tulluarnepaasorisat.

Qeqqata Kommuniata nammeneq ilinniartorisimasani naammassinerisigut sulisorinissat pingaartippaa.

Suleqatinik ineriartortitsineq

Pisinnaasat akisussaaffiillu

Qeqqata Kommuniata sulisuni nukittut naleqarluartutut isigivai, pitsaasumillu aqutsisoqarneratigut, kajumissaarinertigut neqerooruteqarluarnertigullu nutartertuarnissaat ineriartortittuarnissaallu pisariaqarluni.

Sulisut ineriartortinnissaat nutartertuarnissaallu siunertalimmik aaqqissuussinertigut sutigulluunniit pisussaavoq, tassa sulisut pisinnaasamikkut, pikkoriffimmikkut sapinngisamikkullu ineriartortittuagassaallutik, taamatullu allatigut iliuuseqanngikkaluarluni sulinerimikkut pisinnaasaqarfiisigut.

Sulisunik ineriartortitsinerup (SI) siunertarivaa, aqutsisut sulisullu pisinnaasamikkut ineriartortinnissaat. Matumani suliamut tunngasut inuttullu pisinnaasat pineqarlutik.

Suliatigut pisinnaasaqarfiit nalinginnaasumik makkuupput,

- Tunngaviusumik ilinniarneq.
- Pikkorissarnerit ilinniagaqaqqinnerillu.
- Inuussutissarsiutitigut misilittagaqarneq.
- Inatsisunik atuuttunik allaffissornikkullu ilisimasaqarneq.
- Attaveqarsinnaassuseq suliffigisamillu pisutigut kiisalu aaqqissuussaannerup iluani allanik suleqateqarnermi eqqortumik iliuuseqarsinnaassuseq.
- Qarasaasiatigut pisinnaasaqarneq.
- Suliatigut pikkoriffinni pissarsiniarsinnaassuseq, piginniinnarsinnaassuseq ineriartortitsisinnaassuserlu.

Inuttut pisinnaasaqarfiit nalinginnaasumik makkuupput,

- Nukissaqassuseq.
- Sulinerup ingerlarngini nikerartuni pisinnaassuseqarneq, taamaalilluni sippulimmik nukissaqarsinnaalluni
- Siunersiueqatigisaqarluni suleqatikkuminartuuneq ataatsimoortitsisinnaanerlu, qalliuniann-gikkaluarluni
- Isummamik allanngortitsisinnaassuseq naleqqusarlunilu
- Ilusilersuisinnaassuseq ataqatigiissillugu aaqqissuussisinnaassuseq.
- Isumaqatigiinnngissutsinik aaqqiinnaassuseq.

Aqutsisup/pisortap inuttut pisinnaasaqarfii makkuupput

- Aalajangiinnaassuseq.
- Kajumissaarisinnaassuseq.
- Ingerlatiteqqissinnaassuseq.
- Tatiginassuseqarnermik ataqqinassuseqarnermillu takutitsisinnaassuseq.

Taamaalilluni sapinngisaqarfiit, ilisimasat piginnaasaqarfiit isummallu aalajangersimasunut tunngasutigut pisinnaasatut ataatsimoortuupput. Piginnaasat aqutsisumi/pisortami, sulisumi ataatsimoortu-ni/immikkoortortami ataatsimiissinnaapput.

Piginnaasat nalinginnaasumik ilinniagaqarnikkut ilinniarnikkulluunniit pigiliussaasarput. Piginnaasat sulinermi atoraanni, pisinnaasaqarfinngortarput, inunnguuserigaluaaraanni ilinniarnikkulluunniit pigilersimagaluaaraanni. Piginnaasat makkunuunatigut takuneqarsinnaapput

- Inuttut ataasiakkaatut piginnasat imaluunniit
- Ataatsimoortut piginnaasaqarnerit (immikkoortortat, allaffeqarfiit)

Piginnaasat imatut takussutissaqarsinnaapput, sulisut pisinnaasatik, ilisimasatik isummatillu Kommunalbestyrelsip anguniakkamigut nalunaarutaanik angusaqarniarnerminni suliaminni atornerisigut. Kalaallit Nunaanni pisortani aaqqissuussinertigut anguniakkat ataatsiakkaanit ikittuinnartigut suliarineqartarput. Taamaattumik piginnaasatigut ineriartortitsineq aamma ataatsimoorussamik immikkoortortat tunaartaralugit ingerlanneqarpat eqqarsarluarnerussaaq, suleqatigiiffissarmi pingaaruteqarluinnarmat.

Anguniakkat iliuusissatullu pilersaarutit

Aaqqissuussaanerup iluani suliaasaqarfinni tamani anguniakkat iliuusissatullu pilersaarutit ataatsimoortillugit ataqatigiissillugit suliarinissaat Qullersaqarfiup qulakkiissavaa.

Kommunalbestyrelsip pingaarnertut anguniakkat pilersaarusiussavai

Immikkoortortani pisortat immikkoortunilu pisortat susassaqaqarfinni iluini pingaarnertut anguniakkat pilersaarutit aallaavigalugit, ukiumut anguniakkat ilaasa anguniarnissaat iliuusissatullu pilersaarutit suliarissavaat. Pisortat sutigut naammassisaqarnissaannik naatsorsuutaat iliuusissatut pilersaarutini takuneqarsinnaavoq, tassalu sulisut suut naammassisariaqaraat. Aammattaaq iliuusissatut pilersaarutit ukiumi pineqartumi immikkoortortat suliaminnik naammassinnissimaneranik paasissutissiinissami atornerqarsinnaassallutik. Aammattaaq iliuusissatut pilersaarutini pitsaassutsikkut piumasaqaatitut pisortat naatsorsuutigisaat ilanngunneqassapput, tassa sulisut pisinnaasaqarfissaattut. Pisinnaasaqarfissatut piumasaqaatit sulisut massakkumut pisinnaasaqarfiinut sanilliunneqassapput, sulisullu ataasakkaat ataatsimoortulluunniit ineriartortinnissaat nalilersuiffigalugu.

Allatut oqarluni aqutsisut/pisortat pingaarnertut akisussaaffigissavaat, sulisut pisinnaasaasigut nalinginnaasumik ineriartortitsinissaq. Taamaakkaluarli pisinnaasatigut ineriartortitsineq oqaloqatigiinnikkut ingerlattariaqarpoq, taamaattumillu sulisut ineriartornissaminnik qaffassarnissaminnillu kissaataat iliuuseriniakkani pingaartinneqartariaqarlutik.

Sulisut ineriartornissamik pisariaqartitaat

Sulisut ineriartornissaminnik pisariaqartitaasa aalajangersaaffiginissaat suliffeqarfinni pilersaarusiornikkut sulisullu ineriartornissaat pillugu oqaloqatigineqarnerisigut ingerlatsineq aquunneqassaaq

Piffisaq	Iliuusissaq
Oktobarimi	Immikkoortortat immikkoortortanilu pisortat ukiumut tulliuuttumut suliffeqarfinni pilersaarusiarnikkut siunnersuusiussapput. Tamatuma imarissavai: <ul style="list-style-type: none"> • Ukiumi tulliuuttumi anguniakkat, ingerlatsineq immikkoortortamilu ineriart-

	<p>tortitsinermi suliassat.</p> <ul style="list-style-type: none"> • Aqutsisut/pisortat naatsorsuutigisaminnik iliuusissatut pilersaarutaat, tassa sulisut suut suliassarissagaat. Iliuusissatut pilersaarutini ilanngullugu allaaserineqassalluni piunasaqaatit aqutsisut/pisortat sutigut pisinnaasaqarnissaq naatsorsuutigineraat, tassa sulisorisat sutigut pisinnaasaqassanersut.
Novembarimi	Immikkoortortani pisortat sulisullu sulisut ineriartortinnissat pillugu (SIO) oqaloqatigiinnerit ingerlatissavaat. Taama oqaloqatigiinnerit sulisut ukiumi tullitutumi suliassamikkut pisinnaasaqarfissaattut naatsorsuutigisat iluarsiiffigineqassapput.
Decembarimi	Suliffeqarfimmi pilersaarut (SIO)-neq tunngavigalugu iluarsaanneqartassaaq, tassanilu ilaatigut immikkoortortami nalinginnaasumik inunnullu ataasiakkaanut ukiup tullianut SI pisussat nalunaarsorlugit allatorneqassallutik.

HR-ip atortussaasiviani suliffeqarfimmi pilersaarusionermermi immersugassat SIO-millu pilersaarusionermermi allattuiffissiat nassaarineqarsinnaapput

Sulisunik ineriartortitsinermermi pisussat

Qeqqata Kommuniani SI-mi **periarfissaasinnaasut** makkuupput.

MISI – ataatsimoortut	Misilittakkanik avitseqatigiinnerit ataatsimoortuni suliffeqarfimmi (peqatigiiffiit) akimortumik assigiinnik soqutigisalinni 8-niit 12-inut inuttalimmi ingerlanneqarsinnaapput. Tamatumani assersuutigalugu qullersaqarfiup allatseqarfiini allatsiusinnaapput, sulisoqarnermi siunnersortit, pædagogit, imaluunniit allat. Ataatsimiinnerit illoqarfiit arlaanni ingerlanneqarsinnaapput, ataatsimoortullu assersuutigalugu qaammammut ataasiarlutik suliffeqarfimmi peqataasuni ingerlanneqarsinnaallutik. Ataatsimoortut aamma videokonference atorlugu naapeqatigiissinnaallutik, tamatumani peqataasut peqatigiiffinnit siammarsimasuneersinnaallutik.
Ilitsersuinerit imlt. peqatigiilluni tunniusseqatigiinneq	Illup iluani ulloq ataaseq atorlugu ilitsersuinnikkut pikkorissarneq imaluunniit tunniusseqatigiissinnaaneq, tassa atuagarsunngikkaluarluni arlaatigut ilinniartinneqarneq. HR-ip atortussaasiviani periuseq sukumiinerusumik allaaserineqarpoq.
Akisussaaffeqarnikkut suliamik ineriartortitsineq	Pisortaq sulisorlu appasinnerusumi inissisimasooq oqaloqatigiinnikkut qaffasinnerusumi inissisimasup nakkutigisaanik akisussaaffeqalernissamik pilersaarusiussapput.
Atorfimmik paarlaanneq Illup iluani	Atorfimmik paarlaannerni sulisoq suliffiup iluani suliassat assigiinngitsut aqqissuutamik paarlaattarnertigut nikerarfigisinnaavai. Taamaaliornikkut sulisup ilinniakkap tungaatigut siammassinnerusumik inissisimalernissaa siunertaasarluni, inuttut tunuliaqutarinnerulerluni immikkoortortallu akornanni paasisaqarnerulerluni, pineqartoq tamatigoorneulersillugu.
Atorfimmik paarlaanneq Illup avataani	Illup avataani atorfimmik paarlaannerni sulisoq Qeqqata Kommuniata suliffeqarfiullu pisortaqarfiulluunniit allap akornanni pisassaaq. Asser-

	suutigalugu Qeqqata Kommuniata illoqarfiullu ikinngutaasup akornanni paarlaasseqatigiissinnaanermik aaqqissuussinissamik isumaqatigiittoqarsinnaalluni.
Allamut nuunneq	Atorfimmik paarlaasseqatigiinnerup akerlianik allamut nuunneq atavartumik nuunnermik kinguneqartarpoq. Tamanna sulisoqarnikkut ajornartorsiuteqarnermi qaangiinniarnermi, sulisut nukingini atorluuannissaq siunertaralugu imaluunniit ataatsimoortumik sulisunut pilersaarusionermut atatillugu paarlaasseqatigiissitsisoqarsinnaalluni.
Atorfimmi ineriartorneq	Aaqqissuussinertigut allannguineruvoq, tassa atorfiup imaqtinnerulerneratigut atorluuaneq anguneqarsinnaalluni. Tamatumani sulisup suliaminut atatillugu imminut naammaginerulernissaa anguniarneqartarpoq, tassa pineqartup inuttut ineriartornissaminik kissaataanut atatillugu.
Illup iluani pikkorissarnerit	Illup iluani pikkorissarnissamik ingerlariusissaq Sulisoqarnermi allaffeqarfiup SI -mik pilersaarusionermi pisariaqartitsinerit naapertorlugit suliarissavaa. Ingerlariusissami oqalugiartitsinerit, sammisaqartitsinerit, workshop-illu imarisinnaallugit, tassa aaqqissuussinernup iluani ilisimasaniq siammarsaanissaq siunertaralugu. Qeqqata Kommuniata nammineq pisortaaitani pisortaanerullu suleqatai ilitersuisutut atortarpei.
Illup avataani pikkorissarnerit	SI-mik pisariaqartitat naapertorlugit illup avataani pikkorissarnerit imaqluurtut.
Pitsaasutsit ilullugit	Pitsaassutsinik ilusinermi inuit ataatsimoorlutik piumassusertik atorlugu akuttungitsumik sulinerup nalaani naapittartut pineqarput, tassanilu namminneq susasaqarfimmik iluini pitsaassutsitigut allatigullu ajornartorsiutaasinnaasut misissuiffigeqqissaarlugillu qaangerniartarpaat.
Inuttut tapersersorteqarnerneq	Inuusunnerusut ilinniakkaminnillu naammassinnillutik sulileqqaat anertunerusutigut misilittagaqanngitsut inuttut tapersersorneqarnissaat pineqarpoq. Sulisoq inuusuttoq suliassanik immikkut ittunik suliakkerneqassaaq, tamatumani inuttut tapersersortip suliassap ajunngitsumik naammassineqarnissaatigut ikussavaa.
Pisinnaasatigut ineriartortitsineq	Inuusuttut ilinniarluarsimasut immikkut sungiusartussiatut sulisorilernerqartarput, tamatumani kommunimi pisortatut atorfinnik tigusisinnaalernissaat siunertaralugu. Taama ilinniartitsineq ukiuni marlunniit sisamanut atorfinitsinneqarsinnaavoq, tamatumani pikkorissarnerit pineqartullu atorfeqarnermini misilittagai illuatungeriillugit ingerlasoqassaaq.
Angerlanngitsiarnermi ataatsimiinnerit	Ataatsimeeriaaseq taanna pisut aalajangersimasut tunngavigalugit paassutissiinertut ingerlanneqarsinnaapput, soorlu kommunimi pilersaarusioner, sulisoqarnermi politikki, immikkoortuni pilersaarusioner il.il. Ataatsimiinnerni illup iluaneersunik avataaneersunilluunniit oqalugiartitsinertigut pisinnaavoq. Ataatsimiinnerit saqqummiussinikkut, oqallitsitsinikkut, pingaartorsiunngitsumik oqaloqatigiinnertigut, viinnisorusaarutaa/ataasinnguarterusaarutaa il.il. ingerlanneqarsinnaapput, nalinginnaasumillu sapaatillu akunneranik ulapaarfusimaqisumik naggasinerusinnaalluni pitsaasoq, tassa tallimanngornerup ualiani.
Studiekreditsit	Ataatsimoortut imminnut aquttut, tamatumani peqataasut namminneq toqqakkaminnik sammisaqarlutik, inernalu assersuutigalugu pisortatigiinnut saqqumiullugu imaluunniit nalunaarusiaralugu.

Najugaqarfiup avataanut inissiineq	Qeqqata Kommuniata sulisorisami ukiup affaa angullugu nunap iluani avataaniluunniit aqqissuussanut suliffeqarfinnullu najugaata avataanut inissikkallarsinnaanerap tapersorsorpaa. Najukkap avataanut inissikkallarneq inuttut ineriartortitsisuusarpoq.
Nunani Avannarlerni tjenestemandit paarlaaqatigiissinnaanerap	Nunani avannarlerni pisortani sulisut paarlaaqatigiissinnaanerannut Nunat Avannarliit Ministerrådiata missingersuutaanni aningaasaliissuteqarput. Tamatumunnga atatillugu Kalaallit Nunaat Avannarlerni nunat allat assigalugit namminertut inissisimasutut isigineqarpoq. Kalaallit Nunaannut tunngatillugu aqqissuussinermi tjenestemandit isumaqatigiissutillu tunngavigalugit namminersorlutik oqartussat suliffeqarfiini taakkulu ataanni kommuninilu suliffeqarfiit pineqarput. Paarlaaqatigiissinnaaneq sivikinnerpaamik qaammammi ataatsimi sivilunerpaamillu ukiumi ataatsimi pisinnaavoq. Peqataasut namminneq suliffeqarfimmi tikitassamini attaveqarfissat isumagissavai, tamatumani sulinermi nalaani aqqiissutissat allat ilanngullugit.

Sulinermut atatillugu angalanerit, matumani pikkorissarnerni angalanerit ilanngullugit

Angalanerit ima aqqissuunneqartassapput, ataatsimiinnissap/pikkorissarnissap aallartinnissa ulloq taanna tikiffissanngorlugu, uternissamilu ataatsimiinnerup/pikkorissarnerup ullua kingulleq pisussanngorlugu, tamatumaniilu sapinngisamik bilitsit akikinnerpaat atorlugit. Taamatuttaaq sapinngisamik unnuiffissaq uffarfilik akikinnerpaaq atorneqassalluni. Angalanermut atatillugu tikinnerup kinguinngua naatsorsuusiortoqassaaq. Angalanerit feriarnerup nalaani pisussatut aqqissuunneqartassanngillat.

Paarlaasseqatigiinneq

Qeqqata Kommuniat sulisunik paarlaasseqatigiinnissamut ammaavoq.

Sulisunik tiguminniinnarsinnaaneq

Akissarsianut tunngasut

Qeqqata Kommuniani aningaasaqarnikkut aqutsinermi malittarisassatigut kingunerannik, kommunalbestyrelsi ukiumut tulliuuttumut ukiumoortumik missingersuusiornermut atatillugu sulisussatut akuerisat takussutissaqartinneqarnissaat akuersissutigisussaavaa. Sulisussatut akuerisat takussutisartaat allangortinneqassappat immikkut aningaasaliissuteqartoqartariaqarpoq, aningaasaliissutinillu akuersissutitigut malittarisassat naapertorlugit tamanna kommunalbestyrelsip kisimi akuersissutigisinnaavaa.

Sulisussatut akuerisatut takussutissiaq minnerpaamik tulliuuttunik imaqaassaaq

- Atorfiup taaguutaa.
- Isumaqatigiissutitut tunngasut.
- Tamakkiisumik sulisussat amerlassusissaat.
- Ukiumi missingersuusiornermi akissarsiatigut aningaasartuutissat.

Sulisussatut akuerisatut takussutissiaq atorfinni aalajangersimasuni qanoq amerlatigisut sulisorinissaat akuersissutaasimanersoq takutissavaa. Taama sulisoqarnissamik nalunaarut kommunalbestyrelsimit akuerineqanngitsumik allangortinneqarsinnaananilu sipporneqarsinnaanngilaq.

Akissarsiat amerlassusissaat isumaqatigiissutitut tunngaveqarput, atorfiup imarisaanik atorfillillu ilinniagaanik tunngaveqarnerusumik.

Atorfinitsitinerit tamarmik akissarsiatigut atorfeqarnermilu atugassarititaasutigut isumaqatigiissutitut allagarserneqartarput.

Akissarsiat Kalaallit Nunaanni Danmarkimiluunniit aningaaserivimmuut atorfillip ikisiffiusussatut kissaatigisaa naapertorlugu ikineqartarput.

Qaammamusiallit eqqarsaatigalugit, akissarsiat qaammatip ulluani kingullermi atorneqarsinnaasussatut ikineqartarput. Akunnermusiallit eqqarsaatigalugit tunniussivissami tallimangornermi atorneqarsinnaasussatut ikineqartarput.

Akissarsiasaraluit kinguaattoorsimappata, ulloq taanna akissarsiat atorneqarsinnaaffissaraluat akissarsiasaraluit annertoqataannik tiguisoqarallarsinnaavoq.

Qaammamusiallit sulilerlaat tiguisigallarneranni, tassa akissarsinissaraluami atorfinitsitinerimik allagartaq naammassineqarsimanngikkallartillugu, tamanna Sulisoqarnermi allaffeqarfimmiit akissarsialeriffimmut nalunaarutigeqartassaaq.

Akunnermusiallit tigusitikkallarneqarsinnaapput, sulisunut akisussaasup tiimit allattorsimaffiinik kingusinaarluni tunniussisimappat. Taamaattoqartillugu pisortaq akisussaasuusoq sooq tiimit allattorsimaffiisa piffissaq eqqorlugu tunniunneqarimannginnersut paasiniaaffigineqartassaaq.

Tamatuma saniatigut akissarsianik tiguisigallartoqarsinnaananilu siumoortoqarsinnaanngilaq.

Piffissaq suliffissaq

Piffissaq suliffiususaaq isumaqatigiissutigut aalajangersagaavoq. Sapaatip akunneranut suliffissat 40 tiimiupput.

Ullup qanoq ilinerani sulisoqartarnera atorfininnermi paasissutissiisutaasarpoq.

Suliffeqarfiit ataasiakkaat inatsisit isumaqatigiissutillu iluini piffissaq suliffiususaaq malittarisassiussinnaavaat. Malittarisassallu sapinngisamik kiffartuussinermi pitsaassutsimik annertussutsikkullu pitsaasumik aaqinneqassallutik, taamatullu sulisut suliffimmi eqaatsumik aaqeerusussusiat isiginiarneqassalluni.

Malittarisassat immikkoortortani pisortaasunit akuerineqassapput.

Qaangiuttoornissat siumut ilisimatitsissutaasassapput suliartoqquneqaratarsinnaanermullu tunngasut pisortamit suliartoqquneqaratarsinnaanermullu tapinik pigisallip akornanni

isumaqatigiissutaasassallutik. Sapinngisamik qaangiuttoornerit pinaveersarneqassapput, qaangiuttoortoqartilluguli taarsiullugu sulinnigiffeqartitsineq atorneqassalluni. Sulinnigiffeqarneq sulisup atorfininnerani isumaqatigiissutaani atugassarititaasut naapertorlugit pisassaaq, qaninnertut pisortaq isumaqatigiissuteqarfigalugu. Ilinniartitsisunut immikkut malittarisassaqqarpoq.

Sulisut tamarmik qaammammut sulisimanermik allattorsimaffiannik tunniussisassapput. Taama tunniussisoqanngippat, pisortaasut qaangiuttoortoqarsimannginneratut paasiinnassavaat.

Sulisup pisussaaffigissavaa, arlaannik peqquteqartumik sulinnigitsuussaguni sulinerup allartiffissaani pisortarisaminut nalunaaruteqarnissani.

Aningaasarsiat piginnarlugit sulinnigiffeqarneq

Ullumi ataatsimi aningaasarsiat piginnarlugit sulinnigiffeqarneq, tulliuuttutigut siumullu pisortarisamik akisussaasumik isumaqatigiissuteqarnikkut pisinnaavoq:

- Atorfininnermut atatillugu inissamut nutsernermi
- Nammineq katinnermi meerarisalluunniit katinnerani
- Nammineq 25-nngortorsiorluni 50-inngortorsiorluniluunniit katiffisiornermi
- Nammineq 25-nngortorsiorluni, 40-nngortorsiorluni 50-inngortorsiorluniluunniit nalliuttorsiornermi
- Nammineq 50-iliilluni 60-iliilluniluunniit inuuissiornermi

Aningaasarsiat piginnarlugit taaneqareersut saniatigut sulinnigiffeqarsinnaaneq aatsaat pisinnaavoq, sulisorisamut tunngasutigut aaqqissuussiffiusumik isumaqatigiissummi ersarissumik tamanna allanneqarsimappat, aningaasaqarnermulluunniit ataatsimiititaliamut qinnuteqarnikkut sulinnigiffeqarsinnaaneq akuersissutigineqarsimappat. Akissarsiat piginnarlugit sulinnigiffeqarneq aamma sulisup qanitaasa napparsimarulunnerinut/toqukkulluunniit qimagunnerisigut ilisinermilu pisinnaavoq, tak. toqusoqarnera/ napparsimaruluttoqarnera.

Aningaasarsiaqarani sulinnigiffeqarsinnaaneq.

Aningaasarsiaqarani sulinnigiffeqarniarneq sulisup qaninnertut pisortaminut tunniutissavaa, tulliuuttullu tunngavigineqarsinnaallutik, soorlu:

- Angajoqqaamik, uimik/nuliamik meerarisamilluunniit peruluttumik paarsinissami
- Sulinnigiffeqarnerup sivitsorneqarnissaanik kissaateqarneq, uisup/nuliaasup atorfini tunngavigalugu sivisunerusumik sulinnigiffeqarnissaa patsisigalugu

- Suliffimmut attuumassuteqanngitsumik suliffigisallu avatanni pisuni pikkorissarnermi, ataatsimiinnermi assigisaanniluunniit peqataanissaq.
- Timersortartuulluni pisortaalluniluunniit timersornermi il.il. peqataanissaq.

Sulinngiffeqarnek (aningaasarsiaqarani sulinngiffeqarnek)

Sulinngiffeqarnerit (orlov-it) nalinginnaasumik qaammammik ataatsimiik qaammatinut aqqaneq-marlunnut sivisussuseqartut akuersissutigineqartarput. Sivisunerusumik sulinngiffeqarnissaq kissaatigigaanni nutamik qinnuteqartoqassaaq. Sulinngiffeqarsinnaanermi suliffeqarfiup/ingerlatsiviup akornuteqanngitsumik ingerlasinnaanissaa piumasarineqarpoq. Sulinngiffeqarnissamik qinnuteqaat allaganngorlugu ingerlatsivimmi pisortaasoq aqqutigalugu Sulisoqarnermi allaffeqafimmut ima piaartigisumik ingerlatinneqassaaq, pikkorissumik taarteqartitsisinnaanermut periarfissiisoqarluni.

Sulinngiffeqarnissamik qinnuteqaat akuersissutigineqarpat, Qeqqata Kommuniata uternermi Kommunimi tulluurtumik atorfissaqartitsinissaq qulakkeerinnissutigissavaa. Atorfigisamut suliffeqarfigisamulluunniit uteqqinnissaq neriorsuutigineqarsinnaanngilaq. Malittarisassat uku taartaasunut ilinniartunullu atuutinngillat.

Napparsimaneq sulinnginnerlu

Qeqqata Kommuniani napparsimanermi sulinnginnermilu politikkiatigut anguniarneqarpoq, napparsimanerup sulinnginnerullu ammasumik oqallisigineqarnissaa. Kommunip kissaatigivaa sulisup, taamatullu inatsisit atuuttut malittarisassallu ataqqineqarlutillu malinneqarnissaat.

Taama siunertap malinneqarnissaa anguniarlugu pissusissamisoorpoq, sulisup sapinngisamik piaartumik napparsimalinnginnermilu pisortaasut qanoq ittoqarneranik qanorlu ittoqarsinnaaneranik ilisimatissallugit.

Pisortaasup pisussaaffigissavaa, ajornartorsiuteqartoqartillugu qanoq ililluni tamatuma anigorneqarsinnaanissaa aqqiivigissallugu.

Sivikitsumik sulinngittoqassatillugu oqaloqatigiinnerit

Pisortaasup sulisuni oqaloqatigineqassanersoq nalilersussavaa neqeroorfigissallugulu. Sulisuusoq qaammatit pingasut iluini ulluni qulini sulinngissimappat pisortaasup sulisoq oqaloqatigiumassavaa, tamatumanilu paasiniassallugu sulinermut tunngasutigut allatigulluunniit peqquteqartumik sulinngittarsimanersoq. Peqqutaasoq apeqqutaatillugu qanoq iliorluni aqqiisoqassanersoq siunissamilu iliuusissat suliarineqassapput.

Ataavartumik sulinngittoqartartillugu oqaloqatiginnineq

Sapaatip akunnerini marlunni ataavartumik sulinngittoqarsimatillugu, pisortaasup sulisoq oqaloqatiginnissamik neqeroorfigissava.

Oqaloqatiginninnerit taakku marluk siunertarissavaat, sulisup qanoq inissisimaneranik paaseqatigiinnissaq kiisalu sulinniginnissami napparsimanissamilu iliuusissamik suliaqarnissaq.

Oqaloqatigiinnermi periarfissat, taamatullu iliuuserineqarsinnaasut qulaajarneqassapput, taamaaliluni sulisup piaartumik sulileqqissinnaanissaa anguniarlugu.

Allamik isumaqatigiissuteqartoqarsimanngippat, suliffimmi qaninnerusamik suleqatimut ulloq taanna kingusinnerpaamik piffissap suliarorfissaraluup nallernerani nalunaarutigineqassaaq.

Napparsimanermi allagartamik uppersarsaammik tunniussisoqartassanngilaq, tamanna pisortaasumit piumasarineqanngippat.

Ajorunnaarnermi/ sulileqqinnermi ilumoorluinnarluni nalunaarusiortoqartassaaq, taannalu qaninnerpaamik suleqatigisamut/ pisortamut nammineq napparsimasimanermut meeqqalluunniit ulloq siulleq napparsimasimaneranut uppersarsaatitut tunniunneqassalluni.

Meerarisap ulloq siulleq napparsimanera

Sulisorisap meeqqami ukiukitsup napparsimanerani ulloq siulleq ulloq naallugu ullulluunniit ilaanaa sulinnigiffeqarsinnaavoq.

Sulinnigiffeqarsinnaatitaanermi piunasaqaataavoq:

- meerarisap napparsimaffia ulloq siulliussasoq
- meeqqamut tunngasutigut tamanna pisariaqartinneqarpat,
- suliffimmi pissutsit tunngavigalugit tamanna akornutissaqartinneqanngippat kiisalu
- meerarisap angerlarsimaffimmiippat.

Taama meerarisap napparsimanerani ulloq siulleq sulinnigiffeqarsinnaatitaaneq atornerlunneqarpat, tamanna sulisorisamut atornerluisumut atorneqarsinnaajunnaartinneqarsinnaavoq. Ilumoorluni nalunaarut tamatigut immersorneqartassaaq.

Ernineq

Erninermi sulinnigiffeqarsinnaaneq anaanaasumut ataataasumullu atuuttusoq inatsisartut peqqusutaatigut aalajangersagaavoq.

Naartunermi, erninermi meeravissartaarnermilu sulinnigiffeqartarneq pillugu apeqqutit Kiffartuusivimmu, Akissarsialeriffimmut Sulisoqarnermiluunniit allaffeqarfimmut innersuussisoqassaaq.

Peeqqussummi piffissaliussat naapertorlugit naartunermik qaqugulu erninissamik naatsorsuuteqarneq qaninnerpaamik pisortarisamut nalunaarutigineqassaaq.

Toqusoqarneq/peruluttoqarneq

Sulisorisat ilaquuttaminnik qanigisaminnik peruluttoqartillugit kiisalu/imaluunniit toqusoqartillugu ilisisoqartilluguluunniit qinnuteqarnermikkut akiliunneqarlutik angalasinnaapput suliffimminniilluunniit sulinnigiffeqarsinnaapput Kalaallit Nunaanni Qallunaat Nunaanniluunniit peruluttup toqusulluunniit napparsimmavimmi uninngavianut il.il. najugaqarfianut uterlugulu, sulisorisamut isumaqatigiissutitigut tamanna periarfissaqartitsippat. Tjenestemandit funktionærillu eqqarsaatigalugit pingaarnertut malittarisassaalluni pisinnaatitaaffik tamanna atorfininnerminniit pigilertarpaat, SIK-lli isumaqatigiissutai malillugit qaammammusiallit ukioq ataaseq atorfeqarenermikkut aatsaat

taama pisinnaatitaaffeqalertarlutik, SIK-lu malillugu akunnermusiallit aatsaat ukiuni marlunni atorfeqareernerikkut.

Napparsimaruluttoqartillugu qinnuteqaat nakorsap oqaaseqaataanik ilaqartinneqassaaq.

Ilaquttatut qanigisatut pineqarput: angajoqqaat, ueq/nuliaq assigisaalluunniit, qitornat qatanngutillu, uiusup nuliaasulluunniit assigisaasaluunniit ilaqutaat pinnagit, tak. Grønlands Lovsamling, Serie C-1 maajip 27-ni 1993-imeersoq.

Ilaqutariinnik katsorsaaneq

- Qeqqata Kommunia sulisuminik ajornartorsiummik qaangiiniarnissami sapinngisaminik ilaqutariinnik ikorfartuinissaminut siunnersuinissaminullu piunmassuseqarpoq.
- Qeqqata Kommuniata sulisuminut atugassarititaasut pitsaanerulersinnissaat anguniagarivaa.
- Pinerit tamaasa nalilersuinikkut katsorsartinnermi najugaqarnermullu 66,67 procentinik angalanermullu 100 procentinik tapiissuteqartoqarsinnaavoq. Katsorsartinnerullu nalaani saapatip akunnerini marlunni akissarsiat pigiinnarneqassallutik.
- Sulisoq katsorsartinnermi nalaani napparsimasutut nalunaarsimassaaq.
- Tapiissutit akissarsiallu pigiinnarlugit sulinngiffeqarneq, sulisoq naammaassilluni katsorsartissimappat atuutissapput.
- Maleruagassiaq taanna aalajangersimasumik sulisuinnarnut ukiumilu ataatsimi sulisooreersimasunut atuutinneqarpoq, taartaasut ilinniartullu pinnagit.
- Katsorsartinnissamik tapersorsorneqarnissamik qinnuteqaatit sulisup akisussaalluni pisor-taanit akuerineqarsimassapput (aningaasaliissutitigut akisussaasoq), Qeqqata Kommu-nianilu assigiimmik suliarineqartarnissaat anguniarlugu sulisoqarnermi allaffeqarfimmut nassiunneqartassallutik, taassumalu suliap aallartinnginnerani allakkatigut tigusimani up-ternarsassallugit.
- Qeqqata Kommuniata katsorsartitsineri aningaasartuutai suliffigisap missingersuutaasigut ingerlanneqassapput, tassalu aningaasaliissutit iluini.
- Katsorsartinneq Kalaallit Nunaanni ingerlanneqassaaq.

Ilaqutaqarnermut politikki

Qeqqata Kommuneani sulineri atugassarititaasut eqqarsaatigalugit sulineq ilaqutariittullu inuuneq imminut naleqqussarniarneqarput.

Feriarneq

Feriassat katersorneqartarput feriarfiusarlutillu Kalaallit Nunaanni feriarneq pillugu Inatsit naaper-torlugu.

Pissusiusut malillugit feriarneq siulleq feriarfiusarpoq Qeqqata Kommunianiit akissarsiaqaataangit-sumik. Sulisorisap nutaap nammineerluni suliffeqarfikuminiit feriarnissamini akissarsiasaminut tunngasut nammineerluni atsiorneqarnissaat isumagisassaraa, taamaalilluni feriarnissami aningaasarsiasat aaqqinneqareersimaqqullugit.

Akiliunneqarluni feriarneq

Akiliunneqarluni feriarneq – Qeqqata Kommuniata akiligassaanik – Sulisoqarnermik allaffeqarfik aqputigalugu inniminnerneqartassaaq. Immersugassaq sulisumit immersorneqassaaq, sulisoqarnermilu allaffeqarfimmut tunniunneqarluni.

Siunnersuutit

Suleqataasoq kinaluunniit pitsanngorsaataasinnaasunik, oqilisaataasinnaasunik il.il. siunnersuuteqarsinnaavoq. Siunnersuutit qaninnertut pisortarisamut toqqaannartumilluunniit kommunimi pisortaanermut tunniunneqarsinnaapput, kinaassutsimillu isertuussinissaq ataqqineqassalluni. Siunnersuutit pitsaasut timitalerneqarsinnaasullu checkimik akilerneqartassapput.

Sillimmasiissutit

Qeqqata Kommunia Kommunit Sillimmasiisarfianni sillimasigaavoq, apeqqutaasinnaasullu aningaasaqarnermut immikkoortortami tamakkuninnga suliaqartumut saaffiginnissutigineqarsinnaapput.

Sulinerup nalaani suleqataasut tamarmik sulinermi ajoqusersinnaanermut sillimmasigaapput. Sillimmasiinkkut timikkut akornuserneq, toqukkut qimagunneq, kiisalu timikkut atortorisat isarussat ilanngullugit sillimasigaapput.

Angalanerni suleqataasut tamarmik suliffiup sillimasiineranik sillimmasigaapput. Kalaallit Qallunaallu Nunaata avataanut angalanerni, Qullersaqarfiup allattoqarfianit angalanermut sillimasiinermut allagartamik pisoqarsinnaavoq.

Tunissutit il.il.

Qeqqata Kommuniani suleqataasut sulinerminni suliffiup avataani soqutigisaqatigiinnut attuumassuteqarnermigut naqisimaneqassanngillat. Tamanna tunngavigalugu sullitaniit assigisaanniillu tunissuteqarfigisaanissaq, kingornussisussaanissaq il.il. naliginnaasumik akuerisaanngillat. Tamatumani nalornisooruteqaruit, piaartumik qaninnerpaamik pisortarisat saaffigissavat. Innuttaasunittaaq aningaasanik attartornissaq akuerisaanngilaq.

Nalliuttut

Nalliuttutut isigineqarput:

- Ilagiit nalliuttorsiorfii
- Juulliaq
- Ukiutoq
- Kunngit Pingasut (ullup qeqqata kingorna)
- Maajip allaqqaataa (ullup qeqqata kingorna)
- Juunip 21-ani Inuiattut ullorsiorneq

HIV / AIDS

Qeqqata Kommuneata siunertaraa suleqataasut HIV-erlutik AIDS-erlutillunniit nalunaarfigineqarsimasut immikkut ajunngitsutigut ajortutigullunniit pineqannginnissaat.

Sulisooq tunillatsissimaguni nammineerluni tamanna suliffimminut suleqatiminullunniit nalunaarutigerusunnerlugu aalajangissavaa.

Qarasaasiaqarneq

Pisortaqatigiit pisortaanerullu suleqataasa angallattakkamik angallatagaanngitsumillunniit qarasaasiaqarnissartik toqqarsinnaavaat, taamaalillutik soorlu ataatsimiinnerni, illorsuup avataani isumasioqatigiinnerni eqaatsumik sulisinnaanerit anguniarlugu.

Qarasaasianik atuineq

Qallunaat Nunaanni nalunaarsuutit pillugit inatsit Kalaallit Nunaanni atuuppoq, aammataaq Qeqqata Kommunianut. Aaqqissuussaanikkut Kommunip IT-mik atuinera Aningaasaqarnermut immikkoortortap ataaniippoq.

Inunnut ataasiakkaanut tunngasutigut paasissutissat atornerlunneqannginnissaat qulakkeerniarlugu, isumannaallisaanikkut isumaginiagassanik piunasaqaaterpaaloqarpoq:

- Skærmet susassaqqanngitsunit atuarneqarsinnaajunnaarlugit inissinneqassapput
- Isissutissat inummut namminerlutit attuumassuteqarput, allanullu isertugaalluinnartuullutik
- Skærme sivikikkaluamillunniit qimanneqassappat, skærme parnaarneqassaaq: ctrl/alt/delete toorlugit, taava "lås computeren" saqqummerpat toqqarneqassaaq. Skærme parnaarutaa nalinginnaasumik isissutissaq atorlugu atorunnaarsinneqassaaq.
- Sulisorisat ataasiakkaat ulluinnarni suliaminnut atatillugu nalunaarsuutitut atorfissaqartitaminuinnatq isersinnaatitaapput.

Suleqataasut tamarmik "Opslag"-imut intranettimullu isersinnaapput. Suleqataasut internet-imik e-post-imillu atuisinnaaneranni pingaarnertut maleruagassat:

- Internet-imik aamma e-post-imik atuineq taamaallaat sulinerup nalinginnaasup nalaani suliamut tunngassutilinnut atorneqarsinnaapput.
- Sulinerup nalinginnaasup avataatigit suleqataasut internet aamma e-post suliamut tunngasuunngikkaluanut killilimmik atorsinnaavaat. Piffissap suliffiusussap avataatigit Internitsi aamma e-post namminerlutit tunngasutigut killilimmik sulisunit atorneqarsinnaatitaapput. Internetsikkut atisaqqanngitsunik/tiingasunik isiginnaarnissaq inerteqqutaavoq. Sulisut ataasiakkaarlugit ullormut megabitsinik atugassinneqartassapput, atugassarititallu naammatsippata internetsimut attaveqat atorunnaassalluni.
- Internitsimik e-post-millu sulinerup nalaani namminerisamut atuineq mianersoqqussuteqaataasinnaavoq.

Internet-imik aamma e-post-imik atuinissami immikkut maleruagassaqarpoq. Paasissutissanik Nakkutiginnittut aalajangiinerat naapertorlugu Qeqqata Kommuniat isumannaallisaanermut atatillugu attaveqaatinik atuinertit tamarmik nalunaarsorneqarnissaannut imminut pisinnaatippoq. Qarasaasiamut ikkussat programmit kisimik atoqqusaapput. Kommunip atugai namminerisatut atoqqusaanngillat. Isumannaallisaaneq peqqutigalugu programmit namminerisat disketteymiittut CD-lunniit atoqqusaanngillat. Atortuutinik akisussaalluni nakkutilliisup akuersineratigit maleruagassat

taakku sanioqqunneqarsinnaapput. Ilinniartitsinerlut/atuartitsinerlut atatillugu immikkut maleruagassiortoqarsinnaavoq.

Suliffimmi oqarasuaatip namminerlu oqarasuaatip angallattakkap ator neqartarneri

Suliffimmi oqarasuaat sulinerlut atassuteqanngitsunut ator neqaqqusaanngilaq. Piariaqarfiinili, assersuutigalugu peqqissaavimmut kigutileriffimmulluunniit inniminniiniartilluni imaluunniit qanigisap napparsimaneranut atatillugu sivikitsumik ator neqarsinnaalluni.

Oqarasuaat angallattagaq nammineq pigisaq qanigisamik napparsimasoqartinnagu sulinerup nalaani oqaluussinernut, SMS-inut internetsissutigaluguluunniit atoqqusaanngilaq.

Nalliuttorsiornerit

Ukiunik 25-nik, 40-nik 50-inillu nalliuttorsiornermi sulinngiffeqarnerup saniatigut aningaasanngorlugu tunissuteqartoqartarpoq, ullumikkut 4.500 koruuniusunik, 5.500 koruuniusunik 6.600 koruuniusunillu. Sulisup nammineerluni nalliuttorsiornerissani Qeqqata Kommuniarut nalunaarutigissavaa.

Naligiissitaanissaq pillugu politikki

Qeqqata Kommuniarut sulisuunissamut tunngatillugu kikkut tamarmik suaassuseq, sumiik kingoqqineq, innarluuteqarneq, ilinniagaqarneq kiisalu ator fik apeqqutaatinnagit pineqassapput. Qeqqata Kommuniarut arnat angutillu naligiimmik ator fininnissamik ator fiit qaffassissusii eqqarsaatigalugit periarfissaqartippai.

Sulinermi pissusilersorneq

Qeqqata Kommuniarut inussiarnersumik, eqaatsumik nuannaartumillu pissusilersornissaq pingaartippaa. Taama pissuseqarnikkut suliffimmi kommunip innutaanut suleqatinullu ataqatigiilluarnermik qanilaassutsimillu pilersitseqataasarpoq.

Pissusilersornikkut killissanik qaangiisoqartillugu pisortasut akuleruttassapput. Sulisut pisortallu akornanni naligiimmik ataqqeqatigiittumillu oqalliseqatigiittarnissaq pisortasut kissaatigivaat.

Pensionit

Pensioneqarsinnaaneq isumaqatigiissutit atuuttut naapertorlugit pilersinneqassaaq. Qeqqata Kommuniarut sulisut qaammatip 65-inik ukioqalerfimmik naanerani suliunnaartassapput/ soraartassapput, allamik isumaqatigiissuteqartoqarsimanngippat.

Sulisut sinniisaat

Suliffeqarfinni tamani, ikinnerpaamik tallimanik isumaqatigiissut ataaseq tunngavigalugu sulisulinni, sinniisussamik taartissaanillu toqqaasoqassaaq.

Suliffinni ataasiakkaani arlalinnik sinniisoqartillugu, apeqqutini sullivimmi sulisunut ataatsimoortumik atuuttuni Kommunimut tunngasutigut sinniisussaminnik sinniisut akunnerminni ataatsimoortumik sinniisussamik toqqaasassapput.

Sinniisup sulisitsisumik peqatigalugu sullivimmi pissutsit pitsaasuunissaat suliffimmilu atugassarititaasut toqqissisimasut pitsaasullu anguniagarissavai. Taamatorluinnaq sulisitsisoq pisussaaffeqarpoq.

Sinniisussanik taakkulu taartissaannik toqqaanerit pisortarisamut Sulisoqarnermilu allaffeqarfimmut nalunaarutigineqassapput

SISU

SISU-p (Sillimaniarnermut Suleqatigiinnermullu Ataatsimiititaliaq) siunertarivaa, suliffiit sulinerullu nalaani atugassarititaasut pitsaasuunissaasa piujuarnissaat kiisalu isumannaallisaanikkut peqqinnissakkullu kommunini suliffeqarfinni tamani ineriartortitsiuarnissaq, taamatullu sulisitsisut sulisullu ulluinnarni ataatsimoorlutik soqutiginninnerisa pilersinnissaat. SISU-mi paasissutisseeqatigiittoqartarpoq kiisalu sulisitsisup sulisullu akornanni sulisunut sulianullu tunngasutigut oqaloqatigiinnerit ingerlanneqartarlutik. SISU tamakkunuuna pisortaaq isumaa naapertorlugu sunniuteqaqataaffiussaaq. Taamaamat SISU tamakku iluini malittarisassiuussisinnaavoq, illuatungeriit tamakku isumaqatigiissutigisinnaappatigit.

SISU pingasuitsigut immikkoortitaavoq

- **Pingaarnertut ataatsimiititaliaq** kommunimilu suliffeqarfinnit tamanit ilaasortaataqarfiusoq. Pisortaaneq tassani siulittaasuvoq.
- **Immikkoortortaqarfinni ataatsimiititaliaq**
 - Allaffeqarfik (Maniitsumi Sisimiunilu allaffissuit tamarmik immikkut)
 - Ilaqutariinnermut Immikkoortortaqarfik, taassumalu ataani immikkoortortaasa suliffeqarfii-salu sinniisui.
 - Ilinniartitaanermut Immikkoortortaqarfik, taassumalu ataani immikkoortortaasa suliffeqarfii-salu sinniisui.
 - Teknikkikkut avatangiisitigullu Immikkoortortaqarfik, taassumalu ataani immikkoortortaasa suliffeqarfii-salu sinniisui.
- **Ataatsimiititaliaq SISU**, suliffeqarfiusut annerit 20-t sinnerlugit sulisullit
 - Atuarfiit
 - Utoqqaat Angerlarsimaffii
 - Entreprenøreqarfik

Suliffeqarfinni tamani avatangiisit pillugit inatsit naapertorlugu isumannaallisaanermik sinniisumik toqqaasoqassaaq, isumannaallisaanermillu suleqatigiissitanik pilersitsisoqassalluni. Isumannaallisaanermik sinniisooq ataatsimiititaliami SISU-mi ilaasortaassaaq.

Isumannaallisaanermut tunngasutigut apeqqutit pingaarnertut ataatsimiititaliami, immikkoortortaqarfinni ataatsimiititaliani ataatsimiititaliamilu SISU-mi, taamatullu sulisunik ataatsimiititsinerni SISU-tut ilusilinni isumagineqassapput.

Video atorlugu nakkutillineq

Kommunip allaffissuani init suliffiup nalinginnaasup avataatigut - tassa arfininngornerit sapaatit nalliuttullu ilanngullugit – video atorlugu nakkutigineqarput.

Nakuusernermi politikki

Nakuusernermi politikki pingaarnertut tikkuussisutut isigineqassaaq, tassa Qeqqata Kommuniani sulisut nakuusertoqartillugu imaluunniit qunusaarisoqartillugu/siorasaarisoqartillugu iliusissaattut. Qeqqata Kommuniani sulisut sulinerminnut atatillugu, nakuusernerit imaluunniit qunusaarinerit/siorasaarinerit akuerissanngilaat. Nakuusertoqartillugu sulisup piaarnerpaamik qaninnertut pisortani ilisimatissavaa, taannalu malittarisassat atuuttut naapertorlugit iliuuseqartussaataavoq.

Pisortaq aamma/imaluunniit suleqat, pisoqartillugu qanittumiissimasoq, tarnikkut ikiueqqaarluni nukittorsaassaaq. Kina sungiusimasatut attaveqarfissaasoq allaaserineqassaaq, tassa pisup kingorna tarnikkut ikiueqqaarnermiit iliuusissat ikiorsiinissallu eqqarsaatigalugit.

Sulisut tamarmik nakuusernermi politikkip timititalerneqarnissaa malinnaatittuarnissaalu akisussaaffigivaat.

Sulisup innuttaasullu akornani malersuineq

Sulisup innuttaasullu akornanni malersuineq pilersinnaasarpoq. Sulisup innuttaasullu akornanni malersuineq assigiinngitsutigut malersuinerusinnaavoq. Malersuinerit tassaasinnaapput annertuumik akornusersuinerit soorlulu assersuutigalugu kinaassutsimik isertuussilluni oqarasuaatikkut akornusersuinerit, qarasaasiaq atorlugu malersuinerit, chat-ertarfinni assigiinngitsuni eqqartupiluinerit, inuk aalajangersimasoq pillugu qinngarsornermik aallaavilimmik nittartakkanik pilersitsinerit. Ataasiaannarani aamma maalaarutiginninnerusinnaapput, aammali assigiinngitsutigut toqqaannanngikkaluamik soorlu innuttaasut ikiorserneqartartut qaqigisaasa imaluunniit atuartut angajoqqaavisa sakkortuumik siorasaarinerisigut pisinnaalluni, aammali meeqqat aturfiani atuartut, meeqqat inuusuttullu, sulisunut sakkortuumik malersuisinnaasarput. Kommunip sannaviani, suliffissarsiuussisarfanni ilaqutariinnermullu immikkoortortani sulisut aamma malersugaasinnaasarput. Meeqqanik atornerluinermik pasilliinerit immikkut ittumik ajornartorsiutaapput. Soorunalimi pasitsaassaqaraanni pimoorussilluni tigusariaqarpoq, ilaatigooriarlunili pasitsaassinerit eqqorneq ajorput. Siuliani taakkartorneqartunik inuit unnerluutigineqartartut annersartinneqarsimasutullusooq misigalutik eqqorneqartutut misigisimasarput.

Sulisoq nakuuserfigitissagaluaruni qaninnertut pisortani iliuuseqarnissamik pisussaaffeqartooq piaarnerpaamik ilisimatissavaa.

Uumisaarineq kinguaassiusinerlu

Qeqqata Kommunia suliffeqarfiuvoq, sulisullu assigiingissuteqaraluarlutik imminnut ataqpeqati-giittut. Uumisaarineq ataatsimoorluta ajornartorsiutitut isigivarput, akisussaaqatigiiffigalugulu. Uumisaarineq pinaveersaartikkusupparput. Uumisaarineq suliffeqarfimmi atugaappat suleqatit sulisitsisorlu akulerunnissaminnut akisussaaqqarput.

Uumisaarineq

Uumisaarineq tassaavoq, inoqat/-tit akuttunngitsumik piffissamilu sivisunerusumi – soqqusaat-sumik nangeqattaartumillu – inoqatini ataasiuppat arlaliusulluunniit pineqartumut kanngunartuliorfigippagit, ajuallannartumik nikassaanerumilluunniit. Taamali kanngunartuliornerit aatsaat uumiginninnerulertarlutik, taama pineqartut imminnut illersoriarsinnaangippata. Uumisaarinerit, illuatungeriinnit ikasarnertut isigineqartut ataasiakkaatigulluunniit pisut, uumisaarinninnerunngillat.

Uumisaarineq kanngunarsaanikkut pisarpoq – pimmatilliineq. Tamannalu qanoq iliuuseqarnikkut iliuuseqannginnikkulluunniit pisarluni. Uumisaarineq tulluuttutigit pisinnaasarpoq:

- Pisariaqartutigit paasissutissanik isertuussinikkut
- Ajuallannartunik oqaaseqarnikkut
- Tunngaveqanngitsumik akisussaaaffiaanikkut suliassanilluunniit arsaarinninnikkut
- Ingutsinikkut imaluunniit inooqatit sulianulluunniit tunngasutigit ilaluarinninnikkut
- Pineqartunik saassussinikkut inuttulluunniit atugaasigit assuarliinikkut
- Appisaluussinikkut illaruaatilliinikkullu
- Timikkut innarliinikkut siorasaarinikkulluunniit
- Apeqquteqarfigineqarnermi oqaloqatiginiarneqarnermilluunniit akissuteqannginnikkut
- Pineqartut suliaannik sulinikkulluunniit pisinnaasaannik nikassaanikkut
- Oqarasuaatikkut ajuallatsitsinikkut
- Allakkatigit ajuallatsitsinikkut
- Nuanninngitsumik mittatilliinikkut
- Nikassaanikkut oqartussaaffiaganikkulluunniit, assersuutigalugu ukiut suaassuserluunniit tunngavigalugit
- Sulinermit atornerluinikkut, soorlu kiffatut atuinikkut.

Kinguaassiuserinikkut

Kinguaassiuserineq immikkut isigisarialittut pimmatilliineruvoq. Tamatumani kinguaassiuserineq pineqartarluni, inoqat/-tit akuttunngitsumik piffissamilu sivisunerumi – soqqusaatsumik nangeqat-taartumillu – inoqatini ataasiuppat arlaliusulluunniit kinguaassiuserinikkut kissaatiginngisaannik pissusilersorfigisaraanni, pineqartup kanngunartutut isigisaanik. Tamatuminnga angutit arnanut

iliuseqartarneri ingasannerullutik, kisiannili eqqumaffigissallugu pingaaruteqarluni, aamma angutit kinguaassuserinikkut eqqugaasinnaasarmata. Kinguaassuserinikkut pimmatilliinertut tulliuuttut isigineqarsinnaallutik:

- Kissaatiginangitsumik attuualarinerit
- Oqaatsitigut atoqatigiinnissamik kajumissaarinerit
- Kannguttaatsumik quujasaarutitigut
- Kinguaassiuutinut tunngasutigut pisariaqanngitsumik apeqqutitigut.

Malittarisassat upalungaarsimanissarlu

Pimmatilliinermik kinguaassuserinikkulluunniit ilimatsaassinermi sulisut sinniisaat sillimaniarnikkulluunniit sinniisoq saaffigineqassaaq. Sulisut sinniisaata sillimaniarnikkulluunniit sinniisup qaninnertut pisortaminut saaffiginnissut ingerlateqqissavaa, pineqartullu ataatsimeeqatigineqassappata tapersersuisutut peqataassalluni. Sulisitsisup saaffiginnissutit tamaasa pingaartillugit tigusassavai, illuatungeriillu paaseqatigiitsinniassallugit. Paaseqatigiissitsiniarneq Sulisoqarnermi pisortamit ingerlanneqartassaaq.

Pimmatilliinnikkut kinguaassuserinikkullu politikkeqarnissamik pisortasut immikkut akisussaaf-feqarput.

Pimmatilliinneq pillugu pisortasut iliuseqarfiginninnerannik sulisoq kinaluunniit naammagittaalliuteqarsinnaatitaavoq. Sillimaniarnermi suleqatigiissitap naammagittaalliutit tigusassavai. Qanoq iliuseqarnissat pisortasut aalajangiiffigisassavaat.”

Paasissutissiineq

Sulisoqarnermi immikkoortortap sapaatip akunneranut ataasiarluni paasissutissiissummik allakior-tassaaq, tassani sulisunut tunngasutigut paasissutissat pisariaqartut ilanngunneqartassallutik, soorlu

- Atorfinitsitsinerit
- Soraartut
- Sapaatip akunnerani tulliuuttumi pisussat, soorlu kikkut sulinerminnut atatillugu angalassap-pat, kikkut avataaniit tikeraapat, pisortat politikkerillu ataatsimiinnissaannik pilersaarutit
- Nalliuttorsiornerit

Sulisunik siunnersuinerit

Sulisoqarnermi immikkoortortap Qeqqata Kommuniani sulisunut tamanut siunnersuisinnaaneq neqeroorutigivaa. Sulisoqarnermi immikkoortortap arlaannaannulluunniit atanani periarfissarivai, sulisut isumakuluutaasa kiisalu unamminartuutaasa tusarnaarnissaat, tamatumalu kingorna immik-koortortap pisinnaasaqarfiisa iluini siunnersuisinnaalluni. Sulisut tulliuuttutigit ilitersorneqarnissa-mik ujartuisinnaapput

- Atorfeqarnikkut ingerlaqqinnissami kiisalu ilinniarnermi
- Sulinermi ajornartorsiutit

- Aningaasaqarnikkut ajornartorsiutit
- Aalakoornartutigit ajornartorsiutit
- Inuttut ajornartorsiutit, soorlu tarnikkut angerlarsimaffimmiluunnit ajornartorsiutit
- Sulisoqarnermi immikkoortortap tamakku pillugit oqaloqatiginnissamut piffissami aalajangersimasumi, tassa sapaatip akunneranut tiimit marluk atorlugit pingasunngornikkut nal. 13-miit 15-imut naapinneqarsinnaavoq

Atugarissaarneq

Sulisunut ajunngitsorsiassat

Sulisut ilasseqatigiinnerinut 200 + 120kr.= 320 koruunit inummut ataatsimut tunniunneqarsinnaapput. Aningaasaliissutit 200,00 koruunit missingersuutitigit suliffigisani ataasiakkaani immikkortinneqassapput, taakkulu peqqinnerunissamut tunngatillugu atorneqarsinnaallutik, soorlu arpalluni timigissarnermut, qaqqamut pisuttuarnermut il.il.

Aningaasaliissutit 120,00 koruunit missingersuutitigit sulisut ilasseqatigiissinnaanerinut immikkoortinneqassapput, soorlu sisorarfissiornermut, juullimut nereqatigiinnermut, juullimut qiortaaqatigiinnermut, ukiortaarsiornermut il.il. Ukiut tamaasa suliffeqarfiit ataasiakkaarlutik aningaasaliissutit sumut atorneqarsimaneri uppersartassavaat. Aningaasaliissutit sumiiffimmi SISU-mit nakkutigineqassapput.

Pujortartarneq

Qeqqata Kommuniata innuttaasut peqqinnerunissaat kissaatigivaa, pujortartartuunngitsullu tupamik ajoquserneqarsinnaanerat ingalassimaartinniarlugu iliuuseqarluni. Pujortartarnikkut ajoqutinngorsinnaasut annertupput, pingaaruteqarlunilu pujortartartut pujortartartuunngitsullu pissusilersuutaasa allannortinniarissaat.

Kommunip pujortartarunnaarnissamut pikkorissarnissat neqeroorutigivai.

Avatangiisit pujortartartuunngitsut pillugit inatsisartut inatsisaat naapertorlugu, pisortat suliffiutaani isaariaasaluunniit sioraanni pujortarneq inertequtaavoq. Kommunit siunissami silami pujortartartuunngitsut pillugit suliffiqarfiutaani sulisut isaarissanut qanittumi pujortartartuunngitsut pillugit sapinngisamik pujortartartuunngitsut pillugit killilersimaarinninnissaannik kajumissarneqassapput, pingaartumik pujortartartuunngitsut pillugit sulissaralutit pujortartartuunngitsut pillugit sulissaralutit, soorlu sullitanik sullissinermik oqarasuaatikkullu saaffiginnittoqartillugu.

Uippakajaarneq

Qeqqata Kommuniata sulisumi uippakajaartuunnginnissaat pingaartitarivaa. Taamaattumik pisortaasut uippakajaartitsinnginnissaq eqqarsaatigalugu sulissat aqqinniartarlutit, taamaalillutillu sulisut sulissatik siumut takoorlooreersinnaasarlugit, pitsaasumik siunertalimmik suliaqarnermik

misigisaqalersillugit, suliamikkut inooqataanermikkullu tapersersorneqarnermik suliamillu qanoq kinguneqarnissaanik ilisimaarinninnissat misigitinniarlugit.

Immikkoortortat ataasiakkaarlutik suliffimmik nalilersuissapput (SN) taannalu ammasumik ataatsimeeqatigiinnermi oqallisigineqassalluni, ilaatigut uippakajaarnerup pinaveersaarnissaanik siunertalimmik.

Suliffimmi avatangiisit

Qeqqata Kommuniata suliffiit tamarmik atorluarsinnaasumik aqqissugaanissaat pingaartitarivaa. Pisortaausut suliffimmi avatangiisit ajunngitsuunissaat, aningaasaqarnikkut periarfissat aqqutigalugit isumagissallugit. Tamatuma malitsigisaanik, assersuutigalugu allaffimmi sulinermi eqqissisimasumiinnissaq anguniarneqassalluni, soorlu allaffeqarfiit nipiliorfinnut assiaqutaqartitersorlugit.

Suliffimmik nalilersuineq (SN)

Suliffiit avatangiisai pillugit sulinerit tamarmik piffissalersugaanissaat inatsimmi piumasagaataavoq, pilersaarusiukkamillu suliarineqassallutik, taamaalilluni sillimaniarnikkut peqqinnissakkullu tamakkiisumik illersorneqarsinnaasussamik. Tamanna ilaatigut ima paasineqassaaq, suliffimmi sillimaniarnermut peqqinnissamullu tunngasut nalilersuiffigineqassasut.

SN-ip suliarinissaanut siunertaavoq, kommunimi sillimaniarnermut peqqinnissamullu tunngasut suliffimmi avatangiisit tamat eqqarsaatigalugit aqqitaanissaata qulakkeerneqarnissaat kiisalu suliffeqarfimmi tamakkununga tunngasutigut iluarsisassat aqqissuussaasumik ingerlaavartumillu ingerlanneqarnissaat.

Suliffimmik nalilersuineq kommunip nammineq iluaqutissarivaa, taamaattumillu Sulliffinnik Nakkutilliisoqarfimmut ingerlateqqinneqartussaananani akueritinneqartussaananiluunniit. Suliffimmik nalilersuineq, kommunimi pisortaausunut, sulisunut Sulliffinnillu Nakkutilliisunut atugassiaalluni qitiusumik suliffeqarfimmi pigineqassaaq.

Kommunip sumiiffinni suliffeqarfiutaani suliffimmik nalilersuineq allaganngorlugi suliarisimaneraat, taannalu pissarsiassaanersoq, sulisullu pilersaarusiornermi kiisalu suliffimmik nalilersuineri peqataatinneqarsimanersut Sullivinnik Nakkutilliisoqarfiup nakkutigisassarivaa.

Suliffimmik naliliinikkut suliffeqarfiit ataasiakkaarlugit avatangiisii, suliap ingerlanneqarfiini qulaajarneqassapput. Suliffimmi avatangiisinut tunngasut tamat nalilersuineri ilanngunneqarsinnaapput, tamannali ima paasineqassanngilaq, suliffeqarfiit tamavimmik ataasiakkaarlutik sukumiisumik sammineqarsimassasut. Suliffimmik naliliinerit suliffigisani ingerlanneqassapput, soorlu entreprenøreqarfimmi, meeqqerivinni, allaffeqarfinni il.il.

Suliffeqarfinni pisortaausut Sulinermik nalilersuineri tulliuuttut sisamat ilanngunneqarsimanissaat qulakkeerniassavaa:

1. Suliffeqarfimmi sulineriut tunngasut suunerisa nalunaarsornissaat
2. Suliffeqarfiup avatangiisitigut ajornartorsiutaasa allaaserinissaat nalilersuiffiginissaallu

3. Suliffeqarfiup avatangiisitigut ajornartorsiutaasa aaqqiiviginissaannut tulleriaarineq iliuusisatullu pilersaarutit
4. Iliuusissat malinnaaviginissaannik pilersaarusiaq

HR-mik atortussaasivimmi eqitsiseqarpoq, avatangiisit Illutaat tarnikkullu atugassarititaasutigut Suliffimmik Nalilersuinermi atugassiamik.

Oqaatsit pillugit politikki

Qeqqata Kommuniiani sulisut atorfeqartitaanerminnut ilanngullugu Kalaallisut Qallunaatullu ilinniarsinnaanerminnut pisinnaatitaallutillu pisussaaffeqarput. Oqaatsitigut politikki marluinnik sukaqarpoq, tassalu Sisimiuni Oqaatsinik Pikkorissarfimmi pikkorissarsinnaanermik sulianullu ilaatillugu atuartitsineq.

Suliffimmi atuartitaaneq sapaatip akunnerani aalajangersimasumik assersuutigalugu tallimangornikkut nal. 13:00-imiit 14:30-mut ingerlanneqartarpoq. Suleqatit suliffimminni ukioq kaajallallugu atuartinneqartarlutik, taamaalillutik eqqissillutik ataavartumillu ilinniarsinaammata. Suliffimmi atuartitaaneq illup iluani ingerlanneqartarpoq, tamatumani kalaallit kalaallisut ilinniartitsisarlutik qallunaallu qallunaatut. Suleqataasut kalaallisut qallunaatullu pikkorissut tuluttut atuarnissaminnik neqeroorfigineqartarput.

Suleqataasooq ukioq ataaseq kalaallisut ilinniareerpat, suleqataasooq sapaatip akunnerani ataatsimi nunaqarfimmi kommunip allaffeqarfiisa arlaanniissinnaanissaanik neqeroorfigineqartarpoq. Ukiuni tallimani oqaatsinik ilinniareernikkut immikkut ikiuutissatut, ajunngitsumillu ukiuni tallimani ingerlatsisimanerminut ajunngitsorsiasatut, immaqa oqaatsinik sungiusaatigalugu angalaarsinnaanissaq periarfissaasinnaavoq.

Kalaallisut oqaatsit pingaarnertut atugassaapput, qallunaallu oqaasii oqaatsit aappaattut. Taamaattumik qallunaatut attaveqarnerit tamarmik kalaallisuunngortitsinermik ilaqartinneqassallutik.

Atornerluinermi politikki

Qeqqata Kommuniata sulisuminut imigassamik, ikiaroorartumik, iisartakkanik allatigullu aanga-jaarniutitigut atornerluilersimasunut ikiuukkusunnini neqeroorutigivaa.

Atornerluilersimaneq inuup kisimi pigisassarinnigilaa. Suleqatit atornerluilersimasut, atornerluinerini sapinngisaq tamaat atorlugu ikiorniagassaapput. Tamatumani akisussaaffik pisortaasuniinneruvoq, kisiannili aamma suleqatit tamatumani akisussaaqataapput, matumani sinniisut sillimaniarnermilu sinniisut ilanngullugit.

Ulluinnarni malittarisassat

Sulisut sulinerup nalaani imigassartoratilluunniit ikiaroorartutortussaangillat. Suleqatit, sulinermut atatillugu imigassartalimmik aqqissuussinerni peqataasut, kusanartumik peqataanissaat imernissallu naatsorsuutigineqartarpoq.

Immikkut pisoqartillugu soorunalimi imigassartortoqarsinnaasarpog, soorlu juullerpalaartitsinermi, nalliuttorsiuteqarnermi, festernerni il.il.

Atornerluisoqarneranik unioqquitsisoqarneranilluunniit ilimatsaassinermi akulerunnissamut kina pisussaava?

Malittarisassat matumani allanneqarsimasut unioqqutinneqarnerini atornerluisoqarneranilluunniit ilimatsaassinermi, qaninnertut pisortaasup sulisumi attaveqarnissaanut pisussaaffeqarpoq. Taamaakkaluarli qaninnertut pisortaasup ingerlaannaq iliuuseqarnissaa pisariaqarsinnaasarluni, taamaattoqartillugulu imaassinnaalluni sinniisog aamma/imlt. illersuisinnaasog peqataassinnaanani. Taamaattoqartillugu sinniisog piaarnerpaamik ilisimatinneqassaaq. Atornerluisoqarnera paasineqarpat, suleqataasog kinguneqartussamik asissuisuunngitsumillu iliuuseqarnissamik neqeroorfigineqassaaq. Ikiorsiisutissatullu neqeroorutikkut, tapersersuineramik ilitsersuinermillu imaqartinneqassalluni, tassa katsorsartinnissamik kajumissaarutaassalluni kiisalu katsorsartinnissami aningaasartuutissat ilanngunneqarsinnallutik.

Qanoq iliuuseqartoqassava?

Suleqataasumik oqaloqatigineqqaarneq

Pisortaasup sulisog oqaasiinnakkut ilisimatissavaa, atornerluineramik ilimatsaassinikkut pillugu oqaloqatigerusullugu, ilaatigullu soorlu piffissaq eqqorlugu takkuttannginnikkut, isummakkut allanngorartitsivallaarnermik, suliatigut malinnaasinnaannginnikkut imaluunniit piffissami aalajangersimasumi suliassanik aallussilluarsinnaannginnermik ilimatsaassisimanermik tunngavilimmik. Pisortaasup imaaliinnarluni iliuuseqarnissat eqqaassanngilai, ataatsimiinnermi aatsaat. Sulisup kissaatigippagu sulisut sinniisaat ataatsimiinnermi peqataatinneqassaaq. Sulisulli sinniisaata taamaallaat sulisup pisinnaatitaaffiisa unioqqutinneqannginnissaat qulakkeerniartussallugu. Sinniisup saniatigut sulisog inummik tatigisaminik ataatsimiinnermi illersorteqarnissaminut sulisog pisinnaatitaavoq.

Pisortaasup ataatsimiinnermi soq ataatsimiigiaqqusisimanani nassuiaateqarfigissavaa, taamatullu aamma suleqataasog pineqartoq nassuiaateqarnissaanut periarfissinneqassalluni.

Illuatungeriit ataatsimiinnermi isumaqatigiippata, paatsoortoqarnikkut pisoq pilersimasog atornerluisoqanngitsorlu, aatsaallu sulisup piumasariippagu ataatsimiinnermit imaqarniliortoqassalluni. Maluginiaqquneqassaaq, imaqarniliat assilineri sulisup inuttut sagianut ilanngunneqartarmata. Ajornartorsiullu allarluinnaasog paasineqarpat, suleqat pineqartoq ajornartorsiutaanik qaangiiniarnermi ikiorserneqarnissaanik neqeroorfigineqassalluni.

Suleqatip pineqartup ilumut atornerluisuunini ataatsimiinnermi nassuerutigippagu, allannngortitsinisami/unitsinnissaani akisussaaqataaneramik pineqartumut erseqqissaavigineqassaaq, taamatullu aamma arlalitsigut periarfissaqarneranik paasissutissiissutigineqassalluni.

Sulisorli atornerluinerminik miserrateqarpat, tamannalu sulisitsisumit isumaqatigineqarani, tamanna sulisumut erseqqissaatigineqassaaq. Pisortaasup sulisumut ilisimatitsissutigissavaa, periutsitigut sutigut aaqqiisoqartariaqarnerisog.

Pineqartunilu taakkunani imaqarniliortoqartassaaq, taassumalu assilineri sulisumut tunniunneqassalluni, qaammatillu pingasut iluanni ataatsimeeqatigeeqqinnissaq isumaqatigiissutaassalluni. Isumaqatigiissutaasumi erseqqissarneqassaaq, sulisup qanoq akisussaaffeqarnera, taamatullu pisortaasup suleqataasog paasitissallugu, tamanna atorfeqarnikkut sunniuteqarsinnaasog, tassa sulisog periutsisimigut allannngortitserususeqanngippat/-tsitinngippat.

Peqataasut ajornartorsiut ammasumik oqaloqatigiissutigissavaat, najuuttullu sulisumik ikiuunnissaminnut piumasseqassallutik. Pisortaasup ikiorsiinissami kommunip periarfissai paasissutissiissutigissallugit pisussaavoq.

Sulisumik aappassaaneerluni oqaloqateqarneq

Ataatsimiinnermi ilaatigut sulisup naliliinera aallaavigalugu killiffik nalilersuiffigineqassaaq. Piffissami susoqarsimava?

Pitsanngoriartoqarsimava/allanngartitsisoqarsimangila/ajorseriaannartoqarsimava? Tamatumani naliliisoqarpat, sulisoq allanngoriartitsisimangitsoq imaluunniit ajorseriaateqarsimasoq, suleqat katsorsartinnissaanik neqeroorfigineqassaaq.

Suleqalli ataatsimiinnermi tamatumani atonerluinerminik suli miserrateqarpat, taamalu isumaqarneq saqqummersimasut tunngavigalugit pisortamit isumaqatigineqanngippat, suleqat katsorsartinnissaanik neqeroorfigineqassaaq, ataatsimiinnermilu imaqarniliamik suleqat tunineqassalluni.

Ataatsimiinnermilu siullermi isumaqatigiissut naapertorlugu allannguisoqarsimangippat, imaluunniit sulisup katsorsartinnissaminik neqeroorut atorusunngippagu, allakkatigut mianersoqqusummik tunniussisoqarsinnaalluni.

Sulisumik pingajussaaneerluni oqaloqateqarneq

Allakkatigut mianersoqquteqareernerup kingorna, pisariaqartutigut naammaginatumillu allanngartitsisoqarsimangippat, nutaamik ataatsimiigiaqqusisoqassaaq, tamatumanilu suleqatip soraarsinnissaa periarfissaalerluni.

Katsorsartinneq

Sulisoq ukioq ataaseq atorfeqareersimappat atonerluineranut katsorsartinnermik neqerooruteqartoqarsinnaavoq. tamatumanilu ilaqutariinnik katsorsartitsinnermi aningaasartuutitigut periuseq atorneqassalluni, tak. qupperneq 16. Suleqat katsorsarteqqinnissamik pisariaqartitsiguni, nammineq tamanna aningaasartuutigissavaa.

Sulisup akisussaaffigissavai:

Immineranut akisussaaneq
katsorsartinnermi nakkutiginnissaa
isumaqatigiissutit eqqortinnissaat
utersaassagaluaruni ilisimatitsinissani

Pisortaasup akisussaaffigissavai:

Atonerluinermik ilisarnaatit takusinnaanissaat
Atonerluisoqartillugu pasitsaassinikkulluunniit iliuuseqarnissani
Periarfissat paasissutissiissutiginnissaat
Katsorsaavimmut attaveqarnissamik ikiuukkusulluni neqerooruteqarnissaq
Suleqatip katsorsartinnerani attaveqarfigisarnissaa
Katsorsaasumut attaveqarnissaq
Isumaqatigiissutit eqqortinnissaat nakkutigissallugit
Isumaqatigiissummik unioqqutitsisoqartillugu iliuuseqarnissani
Utersaartoqarnerani iliuuseqarnissani

Suleqatip suliffimminut uternerani ikiuunnissani
Suliffeqarfimmi imigassap tungaatigut pitsaasumik periuseqarnissap qulakkeerneqarnissaa.

Suleqatit akisussaaffigissavaat:

Suleqatit suleqatiminnut tunuliaqutaqaataasussatut, atonerluinikkut ajornartorsiummik maluginninniaqqaartussaasariaqarput. Piffissaagallartillugu atonerluisumut iliuuseqartoqarnissaa anguniarlugu pisortarisamut saaffigininneq susassaqaqatigiinnikkut akulerunnerunaviangilaq.

Peqqissuunissamik politikki

Qeqqata Kommuniata sulisut peqqissuunissaat pitsaasumillu atugassaqaqtitaanissaat pingaartitarivaa. Kommunip 2010-mi misiligutitut Sisimiuni Maniitsumilu allaffissuarni sulisut timigissartarfinni akeqanngitsumik sungiusartarnissaat neqeroorutigivaa. Tamatuma kommunip suliffeqarfiinut allanut aamma atuutsilernissaa siunertaavoq.

Sulisunik suliunnaarsitsineq/soraarsitsineq

Sulisunik suliunnaarsitsinermut/soraarsitsinermut suliffeqarfimmi imaluunniit sulisut pissusaat peqqutaasinnaapput.

Nalinginnaasumik suliunnaarsitsisarnermi/soraarsitsisarnermi politikikkut qulakkeerniarneqassaaq, suliunnaarsitsinerit/soraarsitsinerit tamarnik torersumik, taamatullu assigiimmik suliarineqarlutik pisassasut.

Soraarniuteqarluni soraarneq

Sulisoq atorfimminit soraarniuteqarpat, kommunip soraarniut isumaqatigiissutitigut soraarniuteqarnissamik piffissaliussat naapertorlugit suliarissavaa, tassa atorfillip isumaqatigiissut atorfeqarnermini tunngavigisaa.

Piaarnerusumik soraarnissamik qinnuteqaat, immikkoortortap/suliffeqarfiup suliassaanut akornutaanngippat sapinngisaaq naapertorlugit akuersaarneqartassaaq.

Tamanna sulisumit kissaatigineqarsinnaavoq, tassa atorfissamini nutaami piaartumik sulilernissani eqqarsaatigalugu.

Soraarnissamut atatillugu oqaloqatigiinneq

Sulisoq atorfimminit soraarniutilik, soraarnissaanut atatillugu oqaloqatigineqarnissaanik neqeroorfigineqassaaq.

Oqaloqatigiinnisaaq atorfimminit soraarniutilimmut Qeqqatalu Kommunianut iluaqutaassaaq.

Sulisup atorfimminit tutsuiginartumik soraarnissaa eqqarsaatigalugu, taamatullu taassuma atorfeqarnermini sulisitsisumut qanoq misigisimanera paasinarsissalluni.

Suut pitsaasimappat, suullu ajorsimappat, taamatullu pitsaanngorsataasinnaasunik qanoq siunnersuutissaqarpa?

Tamatuma sanitigut siunissami atorfimmi atorfinittussat eqqarsaatigalugit soraarniarnermut suna patsisaasimansoq qulaarneqarsinnaavoq.

Sulisup namminerluinnaq isummerfigissavaa, soraarnermut atatillugu oqaloqatigiittoqassansoq.

Taamatuttaa q sulisup toqqassavaa, oqaloqatigiinneq qaninnertut pisortarlugu imaluunniit kommunimi siunnersortitut sulisoq alla peqatigalugu ingerlanneqassansoq.

Allakkatigut oqaaseqaatit

Kinaluunniit soraartoq qaninnertut toqqaannartumik pisortaminit oqaaseqaatinik piomasaqarsinnaatitaavoq. Oqaaseqaallu taanna minnerpaamik suleqat qanoq suullu suliarisimanerai imarissavai, piffissat suut suliallu suut sulisup suliarisarsimanerai.

Soraarnermut atatillugu allatigut imalimmik oqaaseqaammik piomasaqarnissaminut sulisoq

inatsisitigut pisinnaatitaaffeqanngilaq. Qeqqata Kommuniani pisortat, sulisup piomasarissappagu allatut oqaaseqaasorsinnaapput, soorlu sulisup inuttut suliamigullu qanoq piukkunnartigineranut tunngasutigut.

Soraarniuteqarani soraarsitaaneq

Soraarniuteqanngitsunik soraarsitsinissaq sapinngisamik ingalassimaniarneqassaaq!

Allatulli ajornartumik soraarsitsinissamik aalajangiisoqassappat, tamanna allatulli pisortat suliaattut aalajangiinertalittut pisortat ingerlatsineranni suliaassat suliarineqartarnerat pillugu inatsit

naapertorlugi ingerlanneqassaaq. Tamatuma malitsigisaanik piomasaqateqarpoq,

soraarsitsinnginnermilu tamakku naammassineqarsimassallutik. Tamakkununga aamma ilaavoq, isumaqatigiissuterpasuit soraarsitsinermut atatillugu suleriaasissamik imaqarmata, tamakkulu aamma peqatigitillugu naapertorneqassallutik.

Pisut ilaat soraarsitsinertut isiginiarneqarsinnaasarput, tamakkunanilu aamma soraarsitsinissami

piomasaqaatini naammassinnissimanissaq piomasaqataalluni, soorlu sulisup atorfininnerani atugassarititaasutigut allannguutit annertuut, soorlu sapaatip akunneranut tiimit suliffissat

appartinneqarneri.

Soraarsitsinissamut tunngavissat

Sulisumik soraarsitsineq suliamut tunngasuteqartumik tunngaveqassaaq. Kommunip soraarsitsinissani siunniussimaguniuk, taava kommuni soraarsitsiniarnermini sukumiisumik tunngavilersuuteqassaaq.

Sulisumik soraarsitsinissamik aalajiisoqavitsinnagu, pineqartoq oqaaseqaateqarnissaminik periarfissinneqassaaq, tak. pisortat ingerlatsineranni suliaassat suliarineqartarnerat pillugu inatsisip § 19-

a.

Soraarniutitaqanngitsumik soraarsitsinerit assigiinngitsunik pequtitaqarsinnaapput. Suleqataasup pisussaaffini naammassisinnaanngippagit, malittarisassat atuuttut naapertorlugit akuersarneqarsinnaanngitsumik annertuunik sulinngitsoortarpat, imaluunniit allatigut atorfininnermini piomasarisaatigut sanioqutitsippat, taava pineqartoq soraarniutitaqanngitsumik soraarsinneqarsinnaavoq.

Piffissaagallartilugit pisortat ajornartorsiutaasinaasutigut eqqumaniassapput, taamaalilluni kommunip sulisumik soraarsitsinissaralua immaqa pinngitsoortissinnaallugu. Ima paasillugu, pisortaq

matuma siuliani pineqartut pitillugit aatsaat soraarsitsinissamik siunniussisassasoq, tassa periarfissat allat tamaasa kinguneqanngitsumik aqqusaareerlugit.

Uparuaaneq

Suleqatip susassa qarfigisani sumiginnarpagit imaluunniit naammaginngitsumik sulippat, pisortap tamanna sulisumut uparuaate qarfigissavaa. Soraarsitsini arnermik suliame akuttunngitsumik tamanna patsisaagajuppoq, tassa mianersoqqussut allaganngorlugu tunniunneqarsimasoq kiisalu pineqartumut ilisimatitsissutigineqarsimasoq, taama pisoqaqqissagaluarpat tamanna soarsitsinermik suliffimilluunniit qimagutsinermik kinguneqarsinnaasoq.

Suliffimmiit qimagutsitsineq

Sulisooq atorfimmini pisussaaffimminik annertuutigit sumiginnaappat, suliffimmiit qimagutsitsineq atorineqarsinnaavoq. Taama pisoqartillugu, tamanna piaarnerpaamik pisariaqarpoq.

Kommunip atorfimmiit annertuutigit sumiginnaanerit malinnaaffigissappagit, tamatumani piumasarisariaqassaaq, sulisooq pineqartoq oqaaseqaateqarsinnaaneranut periarfissinneqarsimanissaa. Taamaattoqassappat oqaloqatigiinnikkut imaluunniit pineqartup, pisariaqartinneqarpallu sulinermini sinniissua peqatigalugu ataatsimeeqatigeneratigit tamanna ingerlanneqarsinnaassaaq. Ataatsimiinneq imaqarniliorneqassaaq, sulisullu pineqartup taanna atsiussallugu.

Sulisup suliffimminiit qimagutsinneqarnissaa sanioqqunneqarsinnaangitsumik nalornissutitaqanngitsumillu pisinnaappat, kommunip qimagutsitsinermi tunngavigisani sulisumut nalunaarutigiinnersinnaavai.

Napparsimaneq

Suleqatip napparsimanerani soraarsitsinissaaq pisariaqarsinnaavoq, tassa napparsimaneq sivitsoruppat imaluunniit akulikippallaamik napparsimasoqartarpat.

Kisianni taakku arlaannaalluunniit periaannavittut isigineqassanngilaq.

Pisortaasup tamatigit sulisup sulisoriinnarnissaa anguniarlugu periarfissat sugaluilluunniit eqqarsaatigalugit nalilersuineq ingerlattassavaa, soorlu illup iluani allamut nuutsitsineq, suliffissap sivikillinera imaluunniit sulinermut tunngasutigit allatigit allanngortitsinerit.

Napparsimanermik tunngaveqartumik soraarsitsineq, tamatigit ajorunnaarnisamut tunngavilimmik nalilersuineramik imaluunniit suliamek allamik naleqquttumik tiguisinnaanermik tunuliaqutaqassaaq.

Ullut 120-t pillugit malittarisassaq

Ullut 120-t pillugit malittarisassaq, Qeqqata Kommuniani sulilernermi isumaqatigiissutini tamani immikkut eqqaaneqartarpoq. Malittarisassap malitsigivaa, sulisooq qaammammik ataatsimik sioqqutisumik nalunaarfigalugu qaammattip naaneranut soraarsinneqarsinnaammat, tassa pineqartoq qaammattini imminnut malittuni aqqaneq-marlunni katillugit ulluni 120-ni napparsimalluni

akissarsiaqarsimappat. Soraarsitsineq ullut 120-t naaneranut malitsiinnartumik pissaaq, tamannalu atorfilik napparsimatillugu nalunaarutigineqassalluni.

Aaqqissuussinikkut allangortiterinerni sulisunik ikilisaaneq paarlaanerillu

Aaqqissuussaaniikut allangortitsisoqassatillugu, pisariillisaasoqassatillugu il.il. sulisunik ikilisaasoqassappat sulisunilluunniit paarlaattoqassappat sapinngisamik piaarnerpaamik pisortap sulisuni ilisimatissallugit akisussaaffigivaa. Soraarsitsinerit sapinngisamik pinaveersaartinneqassappat. Taamaattumik sulisunik tulliuttut ikilisaasoqassanersoq pisortat tamatigut misissoqaas-savaat:

- pissusissamisoortumik soraarnertigut
- allamut nuunnertigut/nuutsitaanertigut tamatumunngalu iluatsillugu ilinniartitaqqinnertigut

Suleqatit ilinniaqqinnissaminnut/allamik ilinniagaqarnissaminnut piumassuseqassasut, atorfimminnilu allamik suliaqalersinnaanerminnut piareersimassasut Qeqqata Kommuniata naatsorsuutigivaa. Atorfimmut allamut nuunnermi inuttut pissutsit isiginiarneqassapput kiisalu Qeqqata Kommuniata suliassaminik pitsaasumik naammassinnissinnaanera aamma isiginiarneqassalluni.

Sulisorisat arlallit assigiimmik pisinnaasaqarfeqarpata, taava kiap nuunnissaanik/ nuutsitaanissaanik aalajangiinissami qanoq sivistutiginisumik atorfeqarsimaneq annertuumik apeqqutaalissaaq.

Aaqqissuussinerup allangortinneratigut soraarsitsineq

Qeqqata Kommunia ima annertutigisutigut aaqqissuussaaniikkut allangortiteriguni, tamatumani sulisunut pineqartunut allamut nuunnerinnaat ilinniartitseqqinnerinnaallu naammaginatik, periarfissatut kingullerpaatut soraarsitsinerit atorneqartariaqassapput.

Qeqqata Kommuniani pisortat sulisunut sunniutissatigut paasinnillutik iliuuseqapallassinnaaneq, paasisimasaqassuseq paasinninnerlu pigisariaqarpaat – tassa pisumi sulisut nammineq piumassuse-rinngisaminnik soraartariaqalersut – soorunalimi sulisut kommunimi suliinnartussat eqqarsaatigalu-git.

Sulisunik suliannut pikkorissunik soraarsitsinerit sapinngisamik sulisunik pineqartunik paasin-nilluartumik suliarneqartassapput kiisalu Qeqqata Kommuniata sulisuni allatut ajornarluartumik taama nalaataqartut ikiorniartassavai tapersorsorlugillu.

Aaqqissuussaaniikkut allanguinermut atatillugu sulisut allatut ajornartumik soraarsitaasussat toqqar-niarnerini, sulianut tunngasut tamatigut tunngaviginiarneqarlutillu eqqarsaatigilluarneqaaqartassapput. Qeqqata Kommuniata pitsaanerpaamik suliassaminik naammassinninnissaa eqqarsaatigalugu, sulisup piginnaasaqarfii eqqarsaatigineqassapput.

Aaqqissuussaaniikkut allanguinerit kingunerinik soraarniteqarfiunngitsumik soraarsitsinerni, soraarsinneqartup pisortaminik sulisoqarnermiluunniit allaffeqarfimmi siunnersortimik oqaloqatiginninnissaa neqeroorutigineqassaaq.

Ukiut

Qeqqata Kommuniiani suleqataasup ukiui peqqutigalugit soraarsinneqarnissaani isumaqatigiissutit atuuttut naapertorlugit soraarsinneqassaaq, kingusinnerpaamilli 70-inik ukioqalerpat. Suleqataasup pensionistinngornissani tunaartaralugu siusinnerusukkut soraarnissani kissaatigippagu, tamanna sulisup kissaateqarneratigut pisassaaq.

Utoqqaliarsaartunut politikki

Ullumikkut Kalaallit Nunaanni suliffissaqarniarnermi pissutsit imminnut akerleriit atuupput. Aappaani sulisorpassuit utoqqalivallaannginnerminni peqqikkallartillutik suliunnaarnissartik kissatigivaat, suliunnaarnertik pitsaasumik nuannersumillu atorussullugu. Illuatungaanilu utoqqaat sivisunerusumik inuusalerkata malitsigisaanik utoqqalisut sivisunerusumik sulisinnaanissartik kisaatigalugu. Qeqqata Kommuniata kissaatit marluut naammassisinnaanissaat kissaatigivaa, kommunilli sapinngisamik inassutiginiarpaa, sulisut suliamikkut pikkorissut sapinngisamik sivisunerpaamik tigummineqartarnissaat.

Suleqataasooq 60-inik taakkuluunniit sinnerlugit ukiulik utoqqaliarsaartuuvoq, tamatumani lu anguniagaavoq,

- Illuatungeriinnit iluaqutigineqartuullugu suleqat tamaviat piffissarlu tamakkerlugu sulisup Qeqqata Kommunianut ataannarnissaa. Piffissap ilaannaani sulinissaq ilaatigut eqqartorneqarsinnaavoq.
- Suleqatit utoqqalinertik pissutigalugu pensioneqarlertussaagaluit eqqarsaatigalugit piffissap aalajangersimasup (ukioq ataasikkaarlugu) iluani ilungersunannnginnerusumik akissarsiakinnerullunilu sulisinnaanerup isumaqatigiissutiginnissaa.

Utoqqaliarsaartut suliffeqarfiillu assigiinngitsut amerlaqimmata, oqaatigineqareersutullu suliinnarnissamik kissaatigisat amma eqqarsaatigalugit utoqqaliarsaartunut politikkip qanoq ittuunissa nalinginnaasumik aalajangersaaviusinnaanngilaq.

Taamaattumik immikkoortortat siammarsaaffiusulluunniit ataasiakkaat sulisoqarnermi allaffeqarfik suleqatigalugu aalajangertassavaat, utoqqaliarsaartunik sulisoqarsinnaaneq qanoq immersussanerlugu.

Suleqatit 55-inik ukioqalersimasut eqqarsaatigalugit, sulisunik ineriartortitsinissamik ukiumoortumik oqaloqatiginninnerni tulliuttut isiginiarneqartariaqarput

- Pensionernissami atugassarititaasut il.il. pillugit aningaasaqarnikkut siunnersuineq
- Qaffassarnissamik pilersaarutit
- Sulisuunermit pensionistinngornermut ikaarsaariarneq

SI oqaloqatigiinnerup saniatigut sulisumut utoqqaliarsaarnerni politikkip sulisoqarnermi siunnersutimik oqaloqatigiissutiginnissaa neqeroortigineqassaaq.

Ilanngussaq 1

Allaffissuarmi nunaqarfinnilu allaffeqarfinni suliffissap aqqis- suunneqarnissaani malittarisassat

Sisimiuni Maniitsumilu allaffeqarfinni atorfilinnut nikerartumik sulineq

Kikkut pineqarpat

Malittarisassat Qeqqata Kommuniani allaffissuarni nunaqarfinnillu allaffeqarfinni sulisunut atuup-
put.

Pingaarnertut malittarisassat

Isumaqatigiissutit atuuttut naapertorlugit sapaatip akunneranut akunnerni 40-ni sulisussaataaneq
malittarisassatigut allannguuteqangilaq.

Ataasinngornermi, marlungornermi pingasunngornermilu suliffissat tullinnguuttutut isikkoqarput

Piffissaq	Nalunaaqutaq
Nalinginnaasumik sulinissaq	08.00-16.00
Pinngitsoorani suliffimmiiffissaq	09.00-15.00
Nikerartumik suliffissaq	07.00-09.00
Ualikkut nikerartumik suliffissaq	15.00-17.00

Sisamangornikkut suliffissaq imaappoq

Piffissaq	Nalunaaqutaq
Nalinginnaasumik sulinissaq	08.00-17.00
Pinngitsoorani suliffimmiiffissaq	09.00-16.00
Nikerartumik suliffissaq	07.00-09.00
Ualikkut nikerartumik suliffissaq	16.00-18.00

Tallimangornikkut suliffissaq imaappoq

Piffissaq	Nalunaaqutaq
Nalinginnaasumik sulinissaq	08.00-15.00
Pinngitsoorani suliffimmiiffissaq	09.00-14.00
Nikerartumik suliffissaq	07.00-09.00
Ualikkut nikerartumik suliffissaq	14.00-16.00

Nalinginnaasumik sulinissami immikkoortortaqarfinni suliassat naammassisassat eqqarsaatigalu-
git naammaginatumik ingerlanneqarnissaat siunertaralugu sulisut naammattut sulisorineqassapput.
Sulisut suleqatiginerisigut immikkoortortaqarfimmi pisortaq suliassanik aqqissuussissaaq.

Pinngitsoorani suliffimmiiffissami sulisut tamarmik pinngitsooratik immikkoortortaqarfimmiis-
sapput. Sulisulli pinngitsoorani suliffimmiiffissami nikerartumik suliffissaq atorsinnaavaat, soorlu
arlaatigut pisassa qarunik, assersuutigalugu nakorsiarlutik kigutileriffiliarlutilluunniit.

Akunnernik katersineq atuinerlu sapaatip akunneri tamaasa 0-ngortinneqartassaaq.

Qeqqata Kommuniiani suleqataasut sulinerminni qaammammut immersugassamik immersuisassap-put, suliffigisami pisortaasumit atsiorneqartussamik.

Malittarisassat suliartoqquneqaratarsinnaanermut tunngasut sulisoqarnermi politikkimi qupperneq 16-imi allaaserineqarput.

Ullup ilaannaa atorfillit

Sulisoqarnikkut akisussaasut ullup ilaannaani atorfillit sulisarnissaat isumaqatigiissutigisassavaat.

Oqarasuaatikkut attaveqarsinnaaneq

Kommunimut ulluni ataasinngorneq, marlunngorneq, pingasunngorneq kiisalu tallimannngornermi nal. 10:00-imiit 14:00-imut, sisamannngornermi nal. 10:00-imiit 17:00-imut oqarasuaatikkut normu pingaarneq 70 2100 atorlugu attaveqartoqarsinnaavoq. Piffissat pineqartut avataanni oqarasuaat imminik akisartumut nuunneqartarpoq.